

西漢會要

卷二十七至卷三十三



西漢會要卷二十七

宋 徐 天 麟

撰

運 歷 上

五 運

正朔服色附

自齊威宣時騶子之徒論著終始五德之運

如淳曰今其書有五

德終始五德各以所勝為行秦謂周為火德滅火者水故自謂水德師古曰騶子即騶衍

及秦帝而

齊人奏之故始皇采用之

郊祀志

秦兼天下頗推五勝而自以為獲水德乃以十月為正色尚黑漢興方綱紀大基庶事草創襲秦正朔以北平



侯張蒼言用顓頊歷然正朔服色未覩其真云云律歷志

高祖立為沛公旗幟皆赤由所殺蛇白帝子所殺者赤

帝子故也本紀

漢承堯運德祚已盛斷蛇著符旗幟上赤協於火德自

然之應得天統矣高帝贊

漢興高祖曰北時待我而起亦自以為獲水德之瑞雖

明曆及張蒼等咸以為然是時天下初定方綱紀大

基高后女主皆未遑故襲秦正朔服色歷書

文帝時賈誼以為漢興二十餘年宜當改正朔易服色

制度迺草具儀其儀法色上黃數用五帝謙讓未遑也

本傳

文帝十六年魯人公孫臣上書曰始秦得水德及漢受

之推終始傳則漢當土德上德之應黃龍見宜改正朔

服色上黃張蒼以為漢迺水德之時河決金隄其符也

年始冬十月色外黑內赤與德相應公孫臣言非是罷

之明年黃龍見成紀文帝召公孫臣拜為博士與諸生

申明土德草改歷服色事新垣平玉杯詐覺是後文帝

怠於改正服鬼神之事郊祀志

武帝卽位天下艾安縉紳之屬皆望天子封禪改正度也趙綰王臧議革改厯服色事未就竇太后不好儒術使人按綰臧綰臧自殺郊祀志

元封七年司馬遷等言厯紀壞廢宜改正朔是時御史大夫兒寬明經術上迺詔寬曰今宜何以爲正朔服色所何上寬與博士賜等議皆曰帝王必改正朔易服色所以明受命於天也創業變改制不相復推傳序文則今

夏時也於是迺詔以七年爲元年律厯志

太初元年夏五月正厯以正月爲歲首色上黃數用五

張晏曰漢據土德土數五故用五定官名協音律本紀

班固曰漢興之初庶事草創唯一叔孫生略定朝廷之儀若迺正朔服色郊望之事數世猶未章焉至於孝文始以夏郊而張蒼據水德公孫臣賈誼更以爲土德卒不能明孝武之世文章爲盛太初改制而兒寬司馬遷等猶從臣誼之言服色數度遂順黃德彼以爲五德之傳從所不勝秦在水德故漢據土而克之劉向父子以爲帝出于震故包羲氏始受木德其後以母傳子終而復始自神農黃帝下厯唐虞三代而漢得火焉故高祖

始起神母夜號著赤帝之符旗章遂赤自得天統矣昔
共工氏以水德闕于木火與秦同運非其次序故皆不
永由是言之祖宗之制蓋有自然之應順時宜矣

郊祀志贊

歷

漢興方綱紀大基庶事草創襲秦正朔以北平侯張蒼
言用顓頊歷比於六歷疏闊中最為微近然正朔服色
未覩其真而朔晦月見弦望滿虧多非是至武帝元封
七年漢興百二歲矣太中大夫公孫卿壺遂太史令司
馬遷等言歷紀壞廢宜改正朔是時御史大夫兒寬明

經術上迺詔寬曰與博士共議今宜何以為正朔服色
何上寬與博士湯等議皆曰帝王必改正朔易服色所
以明受命於天也創業變改制不相復推傳序文則今
夏時也臣等問學褊陋不能明陛下躬聖發憤昭配天
地臣愚以為三統之制後聖復前聖者二代在前也今
二代之統絕而不序矣唯陛下發聖德宣考天地四時
之極則順陰陽以定大明之制為萬世則於是迺詔御
史曰迺者有司言歷未定廣延宣問以考星度未能讎
也蓋聞古者黃帝合而不死名察發斂定清濁起五部

建氣物分數然則上矣書缺樂弛朕甚難之依違以惟
未能修明其以七年爲元年遂詔卿遂遷與侍郎尊大
典星射姓等議造漢厯迺定東西立晷儀下漏刻以追
二十八宿相距於四方舉終以定朔晦分至躔離弦望
迺以前厯上元泰初四千六百一十七歲至於元封七
年復得闕逢攝提格之歲中冬十一月甲子朔旦冬至
日月在建星太歲在子巳得太初本星度新正姓等奏
不能爲算願募治厯者更造密度各自增減以造漢太
初厯迺選治厯鄧平及長樂司馬可酒泉侯宜君侍郎

尊及與民間治厯者凡三十餘人方士唐都巴郡落下
閎與焉都分天部而闕運算轉厯其法以律起厯曰律
容一龠積八十一寸則一日之分也與長相終律長九
寸百七十一分而終復三復而得甲子夫律陰陽九六
爻象所從出也故黃鐘紀元氣之謂律律法也草不取
法焉與鄧平所治同於是皆觀新星度日月行更以算
推如闕平法法一月之日二十九日八十一分日之四
十三先藉半日名曰陽厯不藉名曰陰厯所謂陽厯者
先朔月生陰厯者朔而後月迺生平曰陽厯朔皆先旦

月生以朝諸侯王羣臣便迺詔遷用鄧平所造八十一
分律厯罷廢尤疏遠者十七家復使校律厯昏明宦者
淳于陵渠復復太初厯晦朔弦望皆最密日月如合璧
五星如連珠陵渠奏狀遂用鄧平厯以平爲太史丞後
二十七年元鳳三年太史令張壽王上書言厯者天地
之大紀上帝所爲傳黃帝調律厯漢元年以來用之今
陰陽不調乃更厯之過也詔下主厯使者鮮于妄人詰
問壽王不服妄人請與治厯大司農中丞麻光等二十
餘人雜候日月晦朔弦望八節二十四氣鈞校諸厯用

狀奏可詔與丞相御史大將軍右將軍史各一人雜候
上林清臺課諸厯疏密凡十一家以元鳳三年十一月
朔日冬至盡五年十二月各有第壽王課疏遠案漢元
年不用黃帝調厯壽王非漢厯逆天道非所宣言大不
敬有詔勿劾復候盡六年太初厯第一卽墨徐萬日長
安徐禹治太初厯亦第一壽王及待詔李信治黃帝調
厯課皆疏闊又言黃帝至元鳳三年六千餘歲丞相屬
寶長安單安國安陵栢育治終始言黃帝以來三千六
百二十九歲不與壽王合壽王又移帝王錄舜禹年歲

不合人年壽王言化益爲天子代禹驪山女亦爲天子
在殷周間皆不合經術壽王厯迺太史官殷厯也壽王
猥曰安得五家厯又妄言太初厯虧四分日之三去小
餘七百五分以故陰陽不調謂之亂世劾壽王吏八百
石古之大夫服儒衣誦不祥之辭作妖言欲亂制度不
道奏可壽王候課比三年下終不服再劾死更赦勿劾
遂不更言誹謗益甚竟以下吏故厯本之驗在於天自
漢厯初起盡元鳳六年三十六歲而是非堅定至孝成
世劉向總六厯列是非作五紀論向子歆究其微眇作

三統厯及譜以說春秋推法密要故述焉

律厯志

漢興高祖曰北時待我而起亦自以爲獲水德之瑞雖
明習厯及張蒼等咸以爲然是時天下初定方綱紀大
基高后女主皆未遑故襲秦正朔服色至孝文時魯人
公孫臣以終始五德上書言漢得土德宜更元改正朔
易服色當有瑞瑞黃龍見事下丞相張蒼張蒼亦學律
厯以爲非是罷之其後黃龍見成紀張蒼自黜所欲論
著不成而新垣平以望氣見頗言正厯服色事貴幸後
作亂故孝文皇帝廢不復問至今上卽位招致方士唐

都分天部

漢書音義曰謂分二十八宿為躔度

而巴落下閔運算轉歷然

後日辰之度與夏正同乃改元更官號封泰山因詔御

史曰乃者有司言星度之未定也廣延宣問以理星度

未能讐也蓋聞昔者黃帝合而不死名察發歛定清濁

起五部建氣物分數

應劭曰言黃帝造歷得仙名節會察寒暑致啓閉分至定清濁起五

部五部金木水火土也建氣物分數皆叙歷之意也孟

康曰合作也黃帝作歷歷終復始無窮已故曰不死清

濁律聲之清濁也五部五行也天有四時分為五行也

氣二十四氣物萬物也分歷數之分也墳曰黃帝聖德

與虛合契升龍登仙於天故曰合而不死題

名宿度候察進退謂三辰之度吉凶之驗也然蓋尚矣

書缺樂弛朕甚閔焉朕唯未能循明也紬績日分率應

水德之勝

徐廣曰蓋以為應土德土勝水

今日順夏至黃鐘為宮林鐘

為徵太簇為商南呂為羽姑洗為角自是以後氣復正

羽聲復清名復正變以至子日當冬至則陰陽離合之

道行焉十一月甲子朔旦冬至已詹其更以七年為太

初元年年名焉逢攝提格

徐廣曰歲陰在寅左行歲星在丑右行

月名畢

聚日得甲子夜半朔旦冬至

歷書

漢興北平侯張蒼首律歷事孝武帝時樂官考正至元

始中王莽秉政欲耀名譽徵天下通知鐘律者百餘人

使羲和劉歆等典領條奏言之最詳故刪其偽辭取正

義著于篇

律歷志

漢高祖皇帝著紀伐秦繼周木生火故爲火德天下號曰漢距上元年十四萬三千二十五歲歲在大棗之東并二十二度鶉首之六度也故漢志曰歲在大棗名曰敦牂太歲在午八年十一月乙巳朔旦冬至楚元三年也故殷歷以爲丙午距元朔七十六歲著紀高帝卽位十二年

惠帝著紀卽位七年

高后著紀卽位八年

文帝前十六年後七年著紀卽位二十三年

景帝前七年中六年後三年著紀卽位十六年

武帝建元元光元朔各六年元朔六年十一月甲申朔旦冬至殷歷以爲乙酉距初元七十六歲元狩元鼎元封各六年漢歷太初元年距上元十四萬三千一百二十七歲前十一月甲子朔旦冬至歲在星紀婺女六度故漢志曰歲名困敦正月歲星出婺女太初天漢太始征和各四年後二年著紀卽位五十四年

昭帝始元元鳳各六年元平一年著紀卽位十三年

宣帝本始地節元康神爵五鳳甘露各四年黃龍一年
著紀卽位二十五年

元帝元初二年十一月癸亥朔旦冬至殷歷以爲甲子
以爲紀首是歲也十月日食非合辰之會不得爲紀首
距建武七十六歲初元永光建昭各五年竟寧一年著
紀卽位十六年

成帝建始河平陽朔鴻嘉永始元延各四年綏和二年
著紀卽位二十六年

哀帝建平四年元壽二年著紀卽位六年

平帝著紀卽位元始五年以宣帝元孫嬰爲嗣謂之孺
子孺子著紀新都侯王莽居攝三年王莽居攝盜襲帝
位竊號曰新室始建國五年天鳳六年地皇三年著紀
盜位十四年更始帝著紀以漢宗室滅王莽卽位二年
赤眉賊立宗室劉盆子滅更始帝自漢元年訖更始二
年凡二百三十歲

並律
歷志

改元

文帝十六年新垣平言上曰闕下有寶玉氣來者已視
之果有獻玉杯者刻曰人主延壽平又言臣候日再中

居頃之日卻復中於是始更以十七年為元年郊祀志

武帝建元元年本紀師古曰自古帝王未有年號始起於此劉敞曰封禪書云其後二年有司

言元宜以天瑞命不宜以一二數推所謂其後三年者蓋盡元狩六年至元鼎三年也然元鼎四年方得寶鼎

又無緣先三年而稱之以此而言自元鼎以前之元皆

始有詔書矣

有司言元宜以天瑞不宜以一二數一元曰建二元以

長星曰光今剋得一角獸曰狩云郊祀志

元封元年詔曰朕以眇身承至尊兢兢焉唯德菲薄不

明于禮樂故用事八神遭天地况施著見景象屑然如

有聞震于怪物欲止不敢遂登封泰山至于梁父然後

升禮肅然自新嘉與士大夫更始其以十月為元封元

年武紀

元封七年漢興百二歲矣太中大夫公孫卿壺遂太史

令司馬遷等言歷紀壞廢宜改正朔是時御史大夫兒

寬明經術上迺詔寬曰與博士共議今宜何以為正朔

服色何上寬與博士賜等議皆曰帝王必改正朔易服

色所以明受命於天也創業變改制不相復推傳序文

則今夏時也臣等問學褊陋不能明陛下躬聖發憤昭

配天地臣愚以為三統之制後聖復前聖者二代在前也今二代之統絕而不序矣唯陛下發聖德宣考天地四時之極則順陰陽以定大明之制為萬世則於是迺詔御史曰迺者有司言歷未定廣延宣問以考星度未能讎也蓋聞古者黃帝合而不死名察發斂定清濁起五部建氣物分數然則上矣書缺樂弛朕甚難之依違以惟未能修明其以七年為元年

律歷志

宣帝神爵元年詔曰朕承宗廟戰戰栗栗惟萬事統未燭厥理迺元康四年嘉穀元稷降于郡國神爵仍集金

芝九莖產于涵德殿銅池中九真獻奇獸南郡獲白虎威鳳為寶朕之不明震于珍物飭躬齊精祈為百姓東濟大河天氣清靜神魚舞河幸萬歲宮神爵翔集朕之不德懼不能任其以五年為神爵元年

元帝竟寧元年春正月匈奴虛韓邪單于來朝詔曰匈奴支單于背叛禮義既伏其辜虛韓邪單于不忘恩德鄉慕禮義復修朝賀之禮願保塞傳之無窮邊垂長無兵革之事其改元為竟寧

成帝河平元年春三月詔曰河決東郡流漂二州校尉

王延世隄塞輒平其改元爲河平
河平四年火生石中改元爲陽朔

哀帝建平二年待詔夏賀良等言赤精子之讖漢家歷
運中衰當再受命宜改元易號詔曰漢興二百載歷數
開元皇天降非材之佑漢國再獲受命之符朕之不德
曷敢不通夫基事之元命必與天下自新其大赦天下
以建平二年爲太初元年號曰陳聖劉太平皇帝漏刻
以百二十爲度八月詔曰待詔夏賀良等建言改元易
號增益漏刻可以永安國家朕過聽賀良等言冀爲海

內獲福卒亡嘉應皆違經背古不合時宜六月甲子制
書非赦令也皆蠲除之賀良等反道惑衆下有司皆伏

辜

以上並
本紀

西漢會要卷二十八

宋徐天麟撰

運歷下

天文

漢元年十月五星聚東井

三年秋太白出西方有光幾中乍北乍南過期迺入辰

星出四孟

七年月暈圍參畢七重

十二年春熒惑守心

孝惠二年天開東北廣十餘丈長二十餘丈

孝文後二年正月壬寅天櫬夕出西南其四月乙巳水
木火三合於東井八月天狗下梁壑其十一月戊戌土
水合於危其七月火東行行畢陽環畢東北出而西逆
行至昴卽南迺東行

孝景元年正月癸酉金水合於婺女其七月乙丑金木
水三合於張其二年七月丙子火與水晨出東方因守
斗其十二月水火合於斗是歲彗星出西南七月天狗
下

三年填星在婁幾入還居奎

四年七月癸未火入東井行陰又以九月己未入輿鬼
戊寅出

中元年填星當在觜觶參去居東井其三年正月丁亥
金木合爲觜觶其三月丁酉彗星夜見西北色白長丈
在觜觶旦去益小十五日不見其五月甲午金木俱在
東井戊戌金去木留守之二十日其六月壬戌蓬星見
西南在房南去房可二丈大如二斗器色白癸亥在心
東北可長丈所甲子在尾北可六丈丁卯在箕北近漢

稍小旦去時大如桃壬申去凡十日

中三年十一月庚午夕金火合於虛相去一寸

四年四月丙申金木合於東井其五年四月乙巳水火

合於參

後元年五月壬午火金合於輿鬼之東北不至柳出輿

鬼北可五寸

孝武建元三年三月有星孛於注張歷太微干紫宮至

於天漢

三年四月有星孛於天紀至織女

六年熒惑守輿鬼

元光元年六月客星見于房

元光中天星盡摺

元鼎五年太白入于天苑

元鼎中熒惑守南斗

元封中星孛于河戌

太初中星孛于招搖

孝昭始元中蓬星出西方天市東門行過河鼓入營室

中後太白出西方下行一舍復上行二舍而下去後太

西漢會要 卷三
三
白出東方入咸池東下入東井後太白入太微西藩第一星北出東藩第一星北東下去後太白入昴後熒惑

出東方守太白後流星下燕萬載宮極東去
元鳳四年九月客星在紫宮中斗樞極間五年四月燭星見奎婁間

元平元年正月庚子日出時有黑雲狀如炎風亂鬚轉出西北東南行轉而西有頃亡

二月甲申晨有大星如月有衆星隨而西行乙酉祥雲如狗赤色長尾三枚夾漢西行

三月丙戌流星出翼軫東北干太微入紫宮始出小旦入大有光入有頃聲如雷三鳴止

孝宣本始元年四月壬戌甲夜辰星與參出西方其二
年七月辛亥夕辰星與翼出皆爲蚤其後熒惑守房之
鈞鈐四年七月甲辰辰星在翼月犯之是日熒惑入輿
鬼天質

地節元年正月戊午乙夜月食熒惑熒惑在角亢其辛
酉熒惑入氐中其六月戊戌甲夜客星又居左右角間
東南指長可二尺色白其丙寅又有客星見貫索東北

南行至七月癸酉夜入天市芒炎東南指其色白
黃龍元年三月客星居王梁東北可九尺長丈餘西指
山閣道間至紫宮

元帝初元元年四月客星大如瓜色青白在南斗第二
星東可四尺

二年五月客星見昴分居卷舌東可五尺青白色炎長
三寸

五年四月彗星出西北赤黃色長八尺所後數日長丈
餘東北指在參分

孝成建始元年九月戊子有流星出文昌色白光燭地
長可四丈大一圍動搖如龍虵行有頃長可五六丈大
四圍所訕折委曲貫紫宮西在斗西北子亥閒後訕如
環北方不合留一刻所

四年七月熒惑隕歲星居其東北半寸所如連李時歲
星在關星西四尺所熒惑初從畢口大星東東北住數
日至往疾去遲

四年十一月乙卯月食填星星不見時在輿鬼西北八
九尺所

河平二年十月下旬填星在東井軒轅南端大星尺餘
歲星在其西北尺所熒惑在其西北二尺所皆從西方
來填星貫輿鬼先到歲星次熒惑亦貫輿鬼十一月上
旬歲星熒惑西去填星皆西北逆行

陽朔元年七月壬子月犯心星

四年閏月庚午飛星大如缶出西南入斗下

永始二年二月癸未夜東方有赤色大三四圍長二三
丈索索如樹南方有大四五圍下行十餘丈皆不至地
滅

元延元年四月丁酉日蝕時天暝晏殷殷如雷聲有流
星頭大如缶長十餘丈皎然赤白色從日下東南去四
面或大如盂或如雞子耀耀如雨下至昏止

綏和元年正月辛未有流星從東南入北斗長數十丈
一刻所息

二年春熒惑守心

哀帝建平元年正月丁未日出時有著天白氣廣如一
匹布長十餘丈西南行謹如雷一刻而止名曰天狗十
二月白氣出西南從地上至天出參下貫天厠廣如一

匹布長十餘丈十餘日去

二年二月彗星出牽牛七十餘日

元壽元年十一月歲星入太微逆行干右執法並天文志

權量

張蒼定章程高紀如淳曰章歷數之章術也程者權衡丈尺斗斛之平法也

一曰備數二曰和聲三曰審度四曰嘉量五曰權衡數者一十百千萬也所以算數事物順性命之理也夫推慝生律制器規圓矩方權重衡平準繩嘉量探賾索隱鈎深致遠莫不用焉度長短者不失毫釐量多少者不

失圭撮權輕重者不失黍稷其法在算術職在太史義和掌之

聲者宮商角徵羽也職在太樂太常掌之

度者分寸尺丈引也所以度長短也本起黃鐘之長以子穀秬黍中者一黍之廣度之九十分黃鐘之長一為一分十分為寸十寸為尺十尺為丈十丈為引而五度審矣其法用銅高一寸廣二寸長一丈而分寸尺丈存焉用竹為引高一分廣六分長十丈其方法矩高廣之數陰陽之象也分者自三微而成者可分別也寸者忖

西漢會要 卷三
也尺者隻也丈者張也引者信也夫度者別於分寸於寸隻於尺張於丈信於引引者信天下也職在內官廷尉掌之

量者龠合升斗斛也所以量多少也本起於黃鐘之龠用度數審於容以子穀秬黍中者千有二百實其龠以井水準其槩合龠爲合十合爲升十升爲斗十斗爲斛而五量嘉矣其法用銅方尺而圓其外旁有虺焉其上爲斛其下爲斗左耳爲升右耳爲合龠其狀似爵以縻爵祿上三下二參天兩地圓而函方左一右二陰陽之

象也其圓象規其重二鈞備氣物之數合萬有一千五百二十聲中黃鐘始於黃鐘而反覆焉君制器之象也龠者黃鐘律之實也躍微動氣而生物也合者合龠之量也升者登合之量也斗者聚升之量也斛者角斗平多少之量也夫量者躍於龠合於合登於升聚於斗角於斛職在太倉大司農掌之

衡權者衡平也權重也衡所以任權而均物平輕重也其道如底以見準之正繩之直左旋見規右折見矩其在天也佐助旋璣斟酌建指以齊七政故曰玉衡論語

云立則見其參於前也在車則見其倚於衡也又曰齊之以禮此衡在前居南方之義也權者銖兩斤鈞石也所以稱物平施知輕重也本起於黃鐘之重一龠容千二百黍重十二銖兩之爲兩二十四銖爲兩十六兩爲斤三十斤爲鈞四鈞爲石忖爲十八易十有八變之象也五權之制以義立之以物鈞之其餘小大之差以輕重爲宜圓而環之令之內倍好者周旋無端終而復始無窮已也銖者物繇忽微始至於成著可殊異也兩者兩黃鐘律之重也二十四銖而成兩者二十四氣之象

也斤者明也三百八十四銖易二篇之爻陰陽變動之象也十六兩成斤者四時乘四方之象也鈞者均也陽施其氣陰化其物皆得其成就平均也權與物均重萬一千五百二十銖當萬物之象也四百八十兩者六旬行八節之象也三十斤成鈞者一月之象也石者大也權之大者也始於銖兩於兩明於斤均於鈞終於石物終石大也四鈞爲石者四時之象也重百二十斤者十二月之象也終於十二辰而復于子黃鐘之象也千九百二十兩者陰陽之數也三百八十四爻五行之象也

四萬六千八十銖者萬一千五百二十物歷四時之象也而歲功成就五權謹矣權與物鈞而生衡衡運生規規圓生矩矩方生繩繩直生準準正則平衡而鈞權矣是為五則規者所以規圓器械令得其類也矩者所以矩方器械令不失其形也規矩相須陰陽位序圓方乃成準者所以揆平取正也繩者上下端直經緯四通也準繩連體衡權合德百工繇焉以定法式

凡律度量衡用銅者名自名也所以同天下齊風俗也銅為物之至精不為燥濕寒暑變其節不為風雨暴露

改其形介然有常有似於士君子之行是以用銅也用

竹為引者事之宜也

並律
歷志

時令

文帝元年詔曰方春和時草木羣生之物皆有以自樂而吾百姓鰥寡孤獨窮困之人或陷於死亡而莫之省憂為民父母將如何其議所以振貸之本紀宣帝時魏相表采易陰陽及月令明堂奏之臣聞易曰天地以順動故日月不邁四時不忒聖王以順動故刑罰清而民服天地變化必繇陰陽陰陽之分以日為紀

日冬至則八風之序立萬物之性成各有常職不得相干東方之神太昊乘震執規司春南方之神炎帝乘離執衡司夏西方之神少昊乘兌執矩司秋北方之神顓頊乘坎執權司冬中央之神黃帝乘坤艮執繩司土茲五帝所司各有時也東方之卦不可以治西方南方之卦不可以治北方春興兌治則饑秋興震治則華冬興離治則泄夏興坎治則雹明王謹于尊天慎于養人故立羲和之官以乘四時節授民事君動靜以道奉順陰陽則日月光明風雨時節寒暑調和三者得叙則災

害不生五穀熟絲麻遂出木茂鳥獸蕃民不夭疾衣食有餘若是則君尊民說上下亡怨政教不違禮讓可興夫風雨不時則傷農桑農桑傷則民飢寒飢寒在身則亡廉恥寇賊姦宄所繇生也臣愚以爲陰陽者王事之本羣生之命自古賢聖未有不繇者也天子之義必純取法天地而觀于先聖高帝所述書天子所服第八曰大謁者臣章受詔長樂宮曰令羣臣議天子所服以安治天下相國臣何御史大夫臣昌謹與將軍臣陵太子太傅臣通等議春夏秋冬天子所服當法天地之數中

西漢會要卷之...
得人和故自天子王侯有土之君下及兆民能法天地
順四時以治國家身亡既殃年壽永究是奉宗廟安天
下之大禮也臣請法之中謁者趙堯舉春李舜舉夏兒
湯舉秋貢禹舉冬四人各職一時大謁者襄章奏制曰
可孝文皇帝時以二月施恩惠于天下賜孝弟力田及
罷軍卒祠死事者頗非時節御史大夫鼂錯時為太子
家令言其狀臣相伏念陛下恩澤甚厚然而災氣未息
竊恐詔令有未合當時者也願陛下選明經通知陰陽
者四人各主一時時至明言所職以和陰陽天下幸甚

魏相傳

元康三年六月詔三輔毋得以春夏擿巢探卵彈射飛

鳥具為令本紀

立春行冤獄使者出張敞傳

元帝初元三年詔百官勉之毋犯四時之禁本紀

永光三年十一月詔曰迺者已丑地動中冬雨水大霧

盜賊並起吏何不以時禁各悉意對本紀師古日時禁謂月令所當禁斷

者也

甘延壽陳湯上疏斬郅支首及名王以下宜縣頭橐街

事下有司丞相匡衡御史大夫繁延壽以為月令春掩
 骼埋胔之時宜勿縣車騎將軍許嘉右將軍王商以為
 夾谷之會優施笑君孔子誅之方盛夏首足異門而出
 宜縣十日乃埋之有詔將軍議是

陳湯傳

建昭五年詔曰方春農桑興百姓勩力自盡之時也故
 是月勞農勸民無使後時今不良之吏覆案小罪徵召
 證案興不急之事以妨百姓使失一時之作亡終歲之
 功公卿其明察申救之

本紀

成帝陽朔二年春寒詔曰昔在帝堯立義和之官命以

四時之事令不失其序故書云黎民於蕃時雍明以陰
 陽為本也今公卿大夫或不信陰陽薄而小之所奏請
 多違時政傳以不知周行天下而欲望陰陽和調豈不
 謬哉其務順四時月令

本紀

鴻嘉元年二月詔曰方春生長時臨遣諫大夫理等舉

三輔三河宏農寬獄

本紀

哀帝即位李尋對曰辰星主四時四時失序則辰星作
 異今出于歲首之孟天所以譴告陛下也加以號令不
 順四時間者春三月治大獄時賊陰立逆恐歲小收季

夏舉兵法時寒氣應恐後有霜雹之災秋月行封爵其
月土濕與恐後有雷雹之變古之王者尊天地重陰陽
敬四時嚴月令今朝廷忽于時月之令諸侍中尚書近
臣宜皆令通知月令之意設羣下請事若陛下出令有
謬于時者當知爭之以順時本傳

梁王立殺人遣廷尉大鴻臚雜問對曰冬月迫促貪生

畏死即詐僵仆陽病微幸得踰于須臾師古曰冀得踰冬月而減罪也

謹以實對時冬月盡其春大赦不治本傳

孫寶以春月作詆欺免為庶人本傳

王溫舒為河內太守捕郡中豪猾大者至族小者乃死

會春溫舒頓足嘆曰令冬月益展一月足吾事矣本傳師古

曰立春之後不復行刑故云然

張敞收繫姦繫獄是時冬月未盡數日晝夜驗治竟致

其死敞使告舜曰五日京兆竟何如冬月已盡延命乎

張敞傳

劉向坐鑄偽黃金得踰冬減死論本傳服虔曰踰冬至春行寬大而減死罪

諸葛豐以春夏繫治人在位多言其短上乃制詔御史

豐前為司隸不順四時專作苛暴其免為庶人本傳

孫寶以立秋日署侯文東部督郵入見勅曰今日鷹隼

始擊當順天氣取姦惡以成嚴霜之誅本傳

冬月始詩讞于定國傳

冬月傳屬縣囚會論府上嚴延年傳

平當為丞相以冬月賜爵關內侯本傳李奇曰以冬月非封侯時故且先賜

爵關內侯

孔光等請謁者召王嘉詣廷尉詔獄永信少府猛等十

人以為今春月寒氣錯繆霜露數降宜示天下以寬和

王嘉傳

西漢會要卷二十九

宋 徐 天 麟 撰

祥異

符瑞

高祖被酒夜徑澤中令一人行前行前者還報曰前有

大蛇當徑願還高祖醉曰壯士行何畏乃前拔劍斬蛇

蛇分為兩道開行數里醉因卧後人來至蛇所有一老

嫗夜哭人問嫗何哭嫗曰人殺吾子人曰嫗子何為見

殺嫗曰吾子白帝子也化為蛇當道今者赤帝子斬之

故哭人乃以嫗為不誠欲苦之嫗因忽不見紀本

秦始皇帝嘗曰東南有天子氣於是東游以馱當之高

祖隱於芒碭山澤間呂后與人俱求常得之高祖怪問

之呂后曰季所居上常有雲氣故從徃常得季紀本

漢元年冬十月五星聚于東井本紀應劭曰東井秦之分野五星所在其下當

有聖人以義取天下

文帝十五年黃龍見於成紀本紀

武帝元狩元年行幸雍祠五時獲白麟作白麟之歌三

年夏馬生余吾水中南越獻馴象能言鳥

元鼎元年得鼎汾水上

四年得寶鼎后土祠旁秋馬生濕洼水中作寶鼎天馬之歌

元封二年甘泉宮內中產芝九莖連葉作芝房之歌

太始二年詔曰往者朕郊見上帝西登隴首獲白麟以

饋宗廟渥洼水出天馬泰山見黃金宜改故名今更黃

金為麟趾裏蹏以協瑞焉因以頒賜諸侯王

三年行幸東海獲赤雁作朱雁之歌

昭帝始元元年二月黃鵠下建章宮太液池中公卿上

壽

三年鳳凰集東海遣使者祠其處

宣帝本始元年鳳凰集膠東千乘

四年鳳凰集北海安邱淳于

地節二年四月鳳凰集魯郡羣鳥從之

元康元年詔曰乃者鳳凰集泰山陳留甘露降未央宮

朕未能章先帝休烈協寧百姓承天順地調序四時獲

蒙嘉瑞賜茲祉福夙夜兢兢靡有驕色內省罪解永惟

罔極書不云乎鳳凰來儀庶尹允諧其赦天下徒賜勤

事吏中二千石以下至六百石爵自中郎吏至五大夫

佐史以上二級民一級女子百戶牛酒加賜鰥寡孤獨

三老孝弟力田帛所振貸勿收

三年春以神爵數集泰山賜諸侯王丞相將軍列侯二

千石金郎從官帛各有差賜天下吏爵二級民一級女

子百戶牛酒鰥寡孤獨高年帛

六月詔曰前年夏神爵集雍今春五色鳥以萬數飛過

屬縣翱翔而舞欲集未下其令三輔毋得以春夏摘巢

探卵彈射飛鳥具爲令

四年三月詔曰乃者神爵五采以萬數集長樂未央北宮高寢甘泉泰畤殿中及上林苑朕之不逮寡於德厚屢獲嘉祥非朕之任其賜天下吏爵二級民一級女子百戶牛酒加賜三老孝弟力田帛人二匹鰥寡孤獨各一匹

神爵元年詔曰朕承宗廟戰戰栗栗惟萬事統未燭厥理乃元康四年嘉穀元稷降於郡國神爵仍集金芝九莖產於涵德殿銅池中九真獻奇獸南郡獲白虎威鳳爲寶朕之不明震於珍物飭躬齋精祈爲百姓東濟大

河天氣清靜神魚舞河幸萬歲宮神爵翔集朕之不德懼不能任其以五年爲神爵元年賜天下勤事吏爵二級民一級女子百戶牛酒鰥寡孤獨高年帛所振貸物勿收行所過毋出田租

二年二月詔曰迺者正月乙丑鳳凰甘露降集京師羣鳥從以萬數朕之不德屢獲天福祇事不怠其赦天下四年二月詔曰乃者鳳凰甘露降集京師嘉瑞並見修興太一五帝后土之祠加爲百姓蒙祉福鸞鳳萬舉蜚覽翺翔集止於苑齋戒之暮神光顯著薦鬯之夕神光

交錯或降於天或登於地或從四方來集於壇上帝嘉
嚮海內承福其赦天下賜民爵一級女子百戶牛酒鰥
寡孤獨高年帛

冬十月鳳凰十一集杜陵十二月鳳凰集上林

五鳳三年詔曰朕飭躬齋戒郊上帝祠戶土神光並見
或興於谷燭耀齋宮十有餘刻甘露降神爵集已詔有
司告祠上帝宗廟三月辛丑鸞鳳又集長樂宮東闕中
樹上飛下止地文章五色留十餘刻吏民並觀朕之不
敏懼不能任屢蒙嘉瑞獲茲祉福書不云乎雖休勿休

祇事不怠公卿大夫其勛焉減天下口錢赦殊死以下
賜民爵一級女子百戶牛酒大酺五日加賜鰥寡孤獨
高年帛

甘露元年黃龍見新豐

二年詔曰乃者鳳凰甘露降集黃龍登興醴泉滂流枯
槁榮茂神光並見咸受禎祥具赦天下減民算三十賜
諸侯王丞相將軍列侯中二千石金錢各有差賜民爵
一級女子百戶牛酒鰥寡孤獨高年帛

三年詔曰乃者鳳凰集新蔡羣鳥四面行列皆鄉鳳凰

立以萬數其賜汝南太守帛百匹新蔡長吏三老孝弟
力田鰥寡孤獨各有差賜民爵二級毋出今年租
成帝鴻嘉元年冬黃龍見真定

元延四年甘露降京師賜長安民牛酒

平帝元始元年越裳氏重譯獻白雉一黑雉二

二年春黃支國獻犀牛

並本紀

日食

高帝三年十月甲戌晦日有食之在斗二十度

十一月癸卯晦日有食之在虛三度

九年六月乙未晦日有食之既在張十三度

惠帝七年正月辛丑朔日有食之在危十三度

五月丁卯先晦一日日有食之幾盡在七星

高后二年六月丙戌晦日有食之

七年正月己丑晦日有食之既在營室九度

文帝二年十一月癸卯晦日有食之在婺女一度

三年十月丁酉晦日有食之在斗二十三度

十一月丁卯晦日有食之在虛八度

後四年四月丙辰晦日有食之在東井十三度

七年正月辛未朔日有食之

景帝三年二月壬午晦日有食之在胃二度

七年十一月庚寅晦日有食之在虛九度

中元年十二月甲寅晦日有食之

二年九月甲戌晦日有食之

三年九月戊戌晦日有食之幾盡在尾九度

六年七月辛亥晦日有食之在軫七度

後元年七月乙巳先晦一日日有食之在翼十七度

武帝建元二年二月丙戌朔日有食之在奎十四度

三年九月丙子晦日有食之在尾二度

五年正月己巳朔日有食之

元光元年二月丙辰晦日有食之

七月癸未先晦一日日有食之在翼八度

元朔二年二月乙巳晦日有食之在胃三度

六年十一月癸丑晦日有食之

元狩元年五月乙巳晦日有食之在柳六度

元鼎五年四月丁丑晦日有食之在東井二十三度

元封四年六月己酉朔日有食之

太始元年正月乙巳晦日有食之

四年十月甲寅晦日有食之在斗十九度

征和四年八月辛酉晦日有食之不盡如鉤在亢二度

昭帝始元三年十一月壬辰朔日有食之在斗九度

元鳳元年七月己亥晦日有食之幾盡在張十二度

宣帝地節元年十二月癸亥晦日有食之在營室十五

度

五鳳元年十二月乙酉朔日有食之在婺女十度

四年四月辛丑朔日有食之在畢十九度

元帝永光二年三月壬戌朔日有食之在婁八度

四年六月戊寅晦日有食之在張七度

建昭五年六月壬申晦日有食之不盡如鉤因入

成帝建始三年十二月戊申朔日有食之在婺女九度

河平元年四月己亥晦日有食之不盡如鉤在東井六

度

三年八月乙卯晦日有食之在房

四年三月癸丑朔日有食之在昴

陽朔元年二月丁未晦日有食之在胃

西漢書卷之九
永始元年九月丁巳晦日有食之

二年二月乙酉晦日有食之

三年正月己卯晦日有食之

四年七月辛未晦日有食之

元延元年正月己亥朔日有食之

哀帝元壽元年正月辛丑朔日有食之不盡如鉤在營室十度

二年三月壬辰晦日有食之

平帝元始元年五月丁巳朔日有食之在東井

二年九月戊申晦日有食之既

凡漢著紀十二世二百一十二年日食五十三朔十

四晦三十六先晦一日三

並五行志

日月變異

武帝建元二年四月戊申有如日夜出

本紀

元帝永光元年四月日色青白亡景正中時有景亡光是夏寒至九月日乃有光

成帝建始元年八月戊午晨漏未盡三刻有兩月重見河平元年正月壬寅朔日月俱在營室時日出赤二月

癸未日朝赤且入又赤夜月赤甲申日出赤如血亡光
漏上四刻半乃頗有光燭地赤黃食後乃復三月乙未

日出黃有黑氣大如錢居日中央並五行志

屋孛天文志所載已見天文類
五行志所載別見於此

高帝三年七月有星孛于大角旬餘乃入

文帝後七年九月有星孛于西方其本直尾箕末指虛

危長丈餘及天漢十六日不見

武帝建元六年六月有星孛于北方

八月長星出于東方長終天三十日去是為蚩尤旗見

則王者征伐四方

元狩四年四月長星又出西北

元封元年五月有星孛于東井又孛于三台

宣帝地節元年正月有星孛于西方去太白二丈所

成帝建始元年正月有星孛于營室青白色長六七丈

廣尺餘

元延元年七月辛未有星孛于東井踐五諸侯出河戌

北率行軒轅太微後日六度有餘晨出東方十三日夕

見西方犯次妃長秋斗填蝨炎再貫紫宮冲大火當後

達天河除于妃后之域南逝度犯大角攝提至天市而
按節徐行炎入市中旬而後西去五十六日與蒼龍俱

伏並五行志

星隕

成帝永始二年二月癸未夜過中星隕如雨長一丈

繹繹未至地滅至雞鳴止

五行志

亡冰

武帝元狩六年冬亡冰

昭帝始元二年冬亡冰

並五行志紀作六年

雪

文帝四年六月大雨雪

景帝中六年三月雨雪

武帝元狩元年十二月大雨雪民多凍死

元鼎二年三月雪平地厚五尺

三年三月水冰四月雨雪

元帝建昭二年十一月齊楚地大雪深五尺

四年三月雨雪燕多死

並五行志

成帝建始四年夏四月雨雪

本紀

陽朔四年四月雨雪燕雀死五行志

霜雹

武帝元光四年四月隕霜殺草木

元封三年十二月雷雨雹大如馬頭

宣帝地節四年五月山陽濟陰雨雹如雞子深二尺五

寸殺二十人蜚鳥皆死

元帝永光元年三月隕霜殺桑九月二日隕霜殺稼

成帝河平二年四月楚國雨雹大如斧蜚鳥死並五行志

總天變

惠帝二年天雨血於宜陽一頃所五行志赤貴

武帝建元四年有風赤如血本紀

元光五年七月大風拔木本紀

天漢元年三月天雨白毛三月八月天雨白鼈毛之疆屈曲者

成帝建始元年四月辛丑夜西北有如火光壬寅晨大

風從西北起雲氣赤黃四塞天下終日夜下著地者黃

土塵也本五行志

十二月大風拔甘泉時中大木十韋以上成紀韋與圍同

哀帝建平四年山陽湖陵雨血廣二尺長五尺大者如

西漢會要卷三十一
錢小者如麻子

五行志

平帝元始四年冬大風吹長安城門東屋瓦且盡紀本

西漢會要卷三十一

宋 徐天麟 撰

祥異 下

地震

惠帝二年正月地震隴西厭四百餘家

厭一甲反下同

高后二年正月武都山崩地震至八月迺止

武帝征和二年八月癸亥地震厭殺人

宣帝本始四年四月壬寅地震河南以東四十九郡北

海琅邪壞祠宗廟城郭殺六千餘人

元帝永光三年冬地震並五行志

成帝建始三年十二月戊申其夜未央殿中地震紀本

河平三年二月犍爲地震積二十一日百二十四動

綏和二年九月丙辰地震自京師至北邊郡國三十餘

壞城郭凡殺四百一十五人並五行志

山崩

高后二年正月武都山崩殺七百六十人

文帝元年四月齊楚地山二十九所同日俱大發水潰

出並五行志

成帝建始三年越嶲山崩紀本

河平三年二月丙戌犍爲柏江山崩捐江山崩皆靡江

水江水逆流壞城殺十三人

元延三年正月丙寅蜀郡岷山崩靡江江水逆流三日

迺通並五行志

石鳴

成帝鴻嘉三年乙亥天水冀南山石鳴聲隆隆如雷有

頃止聞平襄二百四十里壘雞皆鳴石長丈三尺廣厚

略等旁著岸脅去地二百餘丈民俗名曰石鼓石鼓鳴

有兵

五行志

石立

孝昭元鳳三年正月泰山萊蕪山南匈匈有數千人聲
民視之有大石自立高丈五尺大四十八圍入地深八
尺三石為足石立處有白鳥數千集其旁

五行志

隕石

惠帝三年隕石綿諸壹

武帝征和四年二月丁酉隕石雍二天晏亡雲聲聞四
百里

元帝建昭元年正月戊辰隕石梁國六

成帝建始四年正月癸卯隕石橐四肥累一

陽朔三年二月壬戌隕石白馬八

鴻嘉二年五月癸未隕石杜衍三

元延四年三月隕石都關二

哀帝建平元年正月丁未隕石北地十其九月甲辰隕

石虞二

平帝元始二年六月隕石鉅鹿二

自惠盡平隕石凡十一皆有光耀雷聲成哀尤屢

並五行志

火災 鐵飛附

高后元年五月丙申趙叢臺災

惠帝四年十月乙亥未央宮凌室災丙子織室災

文帝七年六月癸酉未央宮東闕眾恩災

景帝中五年八月巳酉未央宮東闕災

武帝建元六年六月丁酉遼東高廟災四月壬子高園

便殿火

太初元年十一月乙酉未央宮柏梁臺災

昭帝元鳳元年燕城南門災

四年五月丁丑孝文廟正殿災

宣帝甘露元年四月丙申中山太上皇廟災甲辰孝文

廟災

元帝初元三年四月乙未孝武園白鶴館災

永光四年六月甲戌孝宣杜陵園東闕南方災

成帝建始元年正月乙丑皇考廟災

鴻嘉三年八月乙卯孝景廟北闕災

永始元年正月癸丑大官凌室災戊午戾后園南闕災

四年四月癸未長樂宮臨華殿及未央宮東司馬門災

西漢會要 卷三
六月甲午孝文霸陵園東闕南方災

哀帝建平三年正月癸卯桂宮鴻寧殿災

平帝元始五年七月己亥高皇帝原廟殿門災盡

武帝征和二年春涿郡鐵官鑄鐵鐵銷皆飛上去

成帝河平二年正月沛郡鐵官鑄鐵鐵不下隆隆如雷

聲又如鼓音工十三人驚走音止還視地地陷數尺鑪

分爲十一鑪中銷鐵散如流星皆上去並五行志

旱

惠帝五年夏大旱江河水少谿谷絕

文帝三年秋天天下旱

後六年春天天下大旱

景帝中三年秋大旱

武帝元光六年夏大旱

元朔五年春大旱

元狩三年夏大旱

天漢元年夏大旱

三年夏大旱

征和元年夏大旱

昭帝始元六年大旱

宣帝本始三年夏大旱東西數千里

神爵元年秋大旱

成帝永始三年四年夏大旱並五行志

蝗螟

景帝中三年秋蝗

武帝元光五年秋螟

六年夏蝗

元鼎五年秋蝗

元封六年秋蝗

太初元年夏蝗從東方飛至敦煌

三年秋復蝗

征和三年秋蝗

四年夏蝗

平帝元始二年秋蝗徧天下並五行志

人妖

哀帝建平中豫章有男子化為女子嫁為人婦生一子
建平四年四月山陽方與女子田無嗇生子先未生二

西漢書要卷三
月兒唬腹中及生不舉葬之陌上三日人過聞唬聲母
掘收養

平帝元始元年二月朔方廣牧女子趙春病死斂棺積
六日出在棺外自言見夫死父曰年二十七不當死六
月長安女子有牛兒兩頭異頸面相鄉四臂共胸俱前
鄉屍上有目長二寸所

景帝二年九月膠東下密人年七十餘生角角有毛

成帝建始三年十月丁未京師相驚言大水至渭水虜
上小女陳持弓年九歲走八橫城門入未央宮尚方掖

門殿門門衛戶者莫見至句盾禁中而覺得

綏和二年八月庚申鄭通里男子王褒衣絳衣小冠帶
劔入北司馬門殿東門上前殿入非常室中解帷組結
佩之招前殿署長業等曰天帝令我居此業等收縛考
問褒故公車大誰卒病狂易不自知入宮狀下獄死

哀帝建平四年正月民驚走持梟或揪一枚傳相付與
曰行詔籌道中相過逢多至千數或被髮徒踐或夜折
關或踰牆入或乘車騎奔馳以置驛傳行經歷郡國二
十六至京師其夏京師郡國民聚會里巷阡陌設祭張

博具歌舞祠西王母又傳書曰母告百姓佩此書者不

死不信我言視門樞下常有白髮至秋止並五行志

鳥獸之妖魚蛙

宣帝黃龍元年未央殿輅輪中雌雞化為雄毛衣變化

而不鳴不將無距雞禍

元帝初元中丞相府史家雌雞伏子漸化為雄冠距鳴

將

永光中有獻雄雞生角者

景帝三年十一月有白頸烏與黑烏羣鬪楚國呂縣白

頸不勝墮泗水中死者數千白黑

昭帝元鳳元年有烏與鵲鬪燕王宮中池上烏墮池死

黑祥

昭帝時有鵝鵠或曰禿鷲集昌邑王殿下王使人射殺

之青祥

成帝河平元年二月庚子泰山山桑谷有戴焚其巢巢

難盡墮池中有三戴殼燒死黑祥

鴻嘉二年三月博士行大射禮有飛雉集于庭歷階登

堂而鵠後雉又集太常宗正丞相御史大夫大司馬車

騎將軍之府又集未央宮承明殿屋上

綏和二年三月天水平襄有燕生爵哺食至大俱飛去

景帝中六年梁孝王田北山有獻牛足上出背上

昭帝元鳳元年燕王宮永巷中豕出園壞都竈銜其脯

六七枚置殿前

昭帝元鳳元年九月燕有黃鼠銜其尾舞王宮端門中

王往視之鼠舞如故王使吏以酒脯祠鼠舞不休一日

一夜死

黃祥

成帝建始四年九月長安城南有鼠銜黃蒿柏葉止民

冢柏及榆樹上爲巢桐柏尤多巢中無子皆有乾鼠矢
數十

昭帝時昌邑王賀聞人聲曰熊視而見大熊左右莫見

高后八年三月祓霸上還過枳道見物如倉狗檝高后

掖忽而不見

犬禍

文帝後五年齊雍城門外有狗生角

景帝三年二月邯鄲狗與彘交

成帝河平元年長安男子石良劉音相與同居有如人
狀在其室中擊之爲狗走出去後有數人被甲持兵弩

至良家長等格擊或死或傷皆狗也自二月至六月乃止鴻嘉中狗與旒交

成帝綏和二年二月大廐馬生角在左耳前圍長各二寸

哀帝建平二年定襄牡馬生駒三足隨羣飲食

惠帝二年正月癸酉旦有兩龍見於蘭陵廷東里溫陵井中至乙亥夜去

武帝元鼎五年蛙與蝦蟇羣鬪

太始四年七月趙有蛇從郭外人與邑中蛇鬪孝文廟

下邑中蛇死

蛇孽

成帝鴻嘉四年秋雨魚于信都長五寸以下

永始元年春北海出大魚長六丈高一丈四枚

哀帝建平三年東萊平度出大魚長八丈高丈一尺七

枚皆死

並五行志

草木之妖

惠帝五年十月桃李華棗實

五行志

文帝六年冬十月桃李華

木紀

昭帝時上林苑中大柳斷仆地一朝起立生枝葉有蟲

食其葉成文字曰公孫病已立又昌邑王國社有枯樹
復生枝葉畦孟以為當有故廢之家公孫氏從民間受
命為天子者

元帝初元四年皇后曾祖父濟南東平陵王伯墓門梓
柱卒生枝葉上出屋

建昭五年兗州刺史浩賞禁民私所自立社山陽棠茅
鄉社有大槐樹吏伐斷之其夜樹復立其故處

並五行志

成帝建始四年秋桃李實

紀本

永始元年二月河南街郵檮樹生支如人頭眉目鬚皆

具亡髮耳

哀帝建平三年十月汝南西平遂陽鄉柱仆地生支如
人形身青黃色面白頭有髭髮稍長大凡長六寸一分
建平三年零陵有樹僵地圍丈六尺長十丈七尺民斷
其本長九尺餘皆枯三日樹卒自立故處

元帝永光二年天雨草而葉相膠結大如彈丸

平帝元始三年正月天雨草狀如永光時

並五行志

雜變異

景帝二年十二月吳二城門自傾大船自覆

宣帝時大司馬霍禹所居第門自壞

成帝元延元年正月長安章城門門牡自亡函谷關次門牡亦自亡

哀帝時大司馬董賢第門自壞

哀帝建平二年四月乙亥朔御史大夫朱博為丞相少府趙元為御史大夫臨延登受策有大聲如鐘鳴殿中

郎吏陞者皆聞焉

並五行志

元壽元年九月孝元廟殿門銅龜蛇鋪首鳴

本紀

平帝元始元年二月乙未義陵寢神衣在柙中丙申旦

衣在外牀上寢令以急變聞用太牢祠

本紀

占驗

漢興承秦滅學之後景武之世董仲舒治公羊春秋始推陰陽為儒者宗宣元之後劉向治穀梁春秋數其旤福傳以洪範與仲舒錯至向子歆治左氏傳其春秋意亦已乖矣言五行傳又頗不同是以摭仲舒別向歆傳載眭孟夏侯勝京房谷永李尋之徒所陳行事訖于王莽舉十二世以傳春秋著于篇

文具五行志此不詳載

漢興推陰陽言災異者孝武時有董仲舒夏侯始昌昭

宣則眭孟夏侯勝元成則京房翼奉劉向谷永哀平則李尋田終術此其納說時君著明者也察其所言彷彿一端假經設誼依託象類或不免乎億則屢中仲舒下吏夏侯囚執眭孟誅戮李尋流放此學者之大戒京房區區不量淺深危言刺譏構怨彊臣罪辜不旋踵亦不密以失身悲夫

李尋贊

金度玉衡漢五星客流出入八篇

漢文志下同

漢五星彗客行事占驗八卷

漢日旁氣行事占驗三卷

漢流星行事占驗八卷

漢日旁氣行占驗十三卷

漢日食月暈雜變行事占驗十三卷

西漢會要卷三十一

職官一

宋 徐 天 麟 撰

上公

四輔師友附

太師

徐天麟按沈約宋書云漢制保傅在三公上號曰上公

太師古官平帝元始元年初置位在太傅上

百官表下同

太傅

太傅古官高后元年初置金印紫綬後省八年復置後省哀帝元壽二年復置位在三公上

太保

太保古官平帝元始元年初置位次太傅

四輔

平帝元始元年授四輔之職

王莽傳張晏曰莽為太傅孔光為太師王舜為太保

甄豐為少傅是為四輔

師友

成帝時張禹以特進為天子師

本傳

平帝即位年幼選置師友大司徒孔光以明經高行為

孔氏師京兆尹金欽以家世忠孝為金氏友

金日磾傳

三公

丞相

相國丞相皆秦官金印紫綬掌丞天子助理萬機秦有

左右高帝即位置一丞相十一年更名相國綠綬

按表下卷

九年蕭何已遷相國此云十一年當考

孝惠高后置左右丞相文帝二年

復置一丞相有兩長史秩千石哀帝元壽二年更名大

司徒武帝元狩五年初置司直秩比二千石掌佐丞相

舉不法

百官表上徐天麟按司馬遷將相表孝景元年置司徒官本表不載姑俟詳考

丞相徵事

功臣表任官以故丞相徵事手捕反者漢儀注徵事比六百石

丞相史

尹咸孫禁漢舊儀注
秩四百石見溝洫志

丞相少史

王山壽王禁漢儀注武帝
又置丞相少史秩四百石

東曹掾

嚴延年父為東曹掾
云敞為大司徒掾

西曹掾

蕭由為丞相西曹掾
丙吉傳西曹主吏

集曹掾

匡衡補陸
賜集曹掾

奏曹

匡衡傳主簿陸
賜故居奏曹

議曹

李尋見翟
方進傳

主簿

匡衡傳主
簿陸賜

大車屬

鄭崇為丞
相大車屬

丞相屬

地理志
朱贛

侍曹

陳遵
傳

從史

匡衡遣從史
之僅取田租

掾史

翟方進傳丞相宣帝戒掾史謹事徐天麟按
掾史者屬官之總稱也漢儀注東西曹掾比

四百石餘掾比三百石屬比二百石正曰
掾副曰屬方進傳又云闔府三百餘人

宰士

翟方進傳師古曰謂丞相掾史為宰
士者言其宰相之屬官而位為士臣

計相

張蒼為計相一月更以列侯為主計四歲蕭
何為相令蒼以列侯居相府領郡國上計者

太尉

太尉秦官金印紫綬掌武事

百官表爰益傳
云太尉木兵柄

高帝二年太尉長安侯盧縮五年罷太尉官十一年周

勃為太尉攻伐後官省司馬遷將相表

惠帝六年置太尉官以勃為太尉本傳除天麟按漢書及史記世家皆云六年而功臣表云高后四年為太尉又將相表云高后四年置太尉官絳侯為太尉世家及兩表其文自相抵牾

今止從世家

孝文三年罷太尉官屬丞相本紀

孝景三年置太尉官司馬遷將相表及漢書周亞夫傳

七年罷太尉官本紀

孝武建元元年置太尉二年罷太尉官史記將相表

元狩四年初置大司馬以冠將軍之號師古曰冠者加於其上共為一官也

宣帝地節三年置大司馬不冠將軍亦無印綬官屬成

帝綏和元年初賜大司馬金印紫綬置官屬祿比丞相

去將軍哀帝建平二年復去大司馬印綬官屬冠將軍

如故元壽二年復賜大司馬印綬置官屬去將軍位在

司徒上有長史秩千石並百官表

大司馬司直平帝召金欽為大司馬司直漢舊儀云武帝元狩五年初置

大司馬史溝洫志張戎

功曹 大將軍王鳳除蕭育功曹

西曹掾 樓護傳

大司馬掾 平紀

議曹史 大司馬史高辟匡衡為議曹史

門下史 大司馬車騎將軍呂揚雄以為門下史

主簿 大司馬商除杜鄴主簿

御史大夫

御史大夫秦官位上卿 茂陵書御史大夫秩中二千石 銀印青綬掌副

丞相有兩丞秩千石一日中丞在殿中蘭臺掌圖籍祕

書外督部刺史內領侍御史員十五人受公卿奏事舉

劾按章成帝綏和元年更名大司空金印紫綬祿比丞

相置長史如中丞官職如故哀帝建平二年復為御史

大夫元壽二年復為大司空御史中丞更名御史長史

侍御史有繡衣直指 服虔曰指事而行無阿私也師古曰衣以繡者尊寵之也 出討

姦猾治大獄武帝所制不常置 百官表

御史中執法 高紀晉灼曰中執法中丞也

御史中丞從事 于定國與御史中丞從事治反者獄

符璽御史 周昌傳趙堯為符璽御史 御史治書尚符璽者有印

綬百官表

治書御史見上

監軍御史胡建傳

御史大夫掾何並大司空掾嚴延年為御史掾

西曹掾大司空何武除鮑宣為西曹掾

主簿御史大夫張忠命孫寶主簿曰西府高士俗不為主簿

少史蕭望之使少史冠法冠為妻先引蘇林曰曹史之下者

御史屬御史大夫除谷永補屬史記匡衡補御史百石屬

柱下令高帝五年壬恬啓為柱下令又張蒼為御史主柱下方書徐天麟按應劭漢官儀云

侍御史即柱下史故附于此

九卿列卿附

正卿九劉熙釋云漢置十二卿一曰太常二曰

六曰執金吾七曰大司農八曰少府九曰大鴻

臚十曰廷尉十一曰大長秋十二曰將作大匠

韋昭辨云漢正卿九一曰太常二曰光祿三曰

衛尉四曰太僕五曰廷尉六曰鴻臚七曰宗正

八曰司農九曰少府是為九卿執金吾本故中

尉掌徼巡宮外司執姦邪至武帝更執金吾為

外卿不在九列大匠次金吾

長秋自皇后官非天子卿員

太常博士

奉常秦官掌宗廟禮儀有丞景帝中六年更名太常師古

曰太常王者旌旗也王有大事則建以行禮官主奉持之故曰奉常也後改曰太常尊大之義也

屬官

有太樂太祝太宰太史太卜太醫六令丞又均官都水

兩長丞又諸廟寢園食官令長丞又靡太宰太祝令丞

如淳曰五時在靡故五時各一尉又博士及諸陵縣皆特置太宰以下諸官

屬焉景帝中六年更名太祝為祠祀武帝太初元年更

曰廟祀初置太卜元帝永光元年分諸陵邑屬三輔王

莽改太常曰秩宗

百官表

太常掾

朱博

太常掌故

鼂錯

太史掌故

儒林傳房鳳

史書令史

藝文志

待詔

律歷志待詔李信治黃帝調處

大典星

律歷志上等射姓等

治歷

律歷志鄧平

望氣

李廣傳望氣王朔

望氣佐

郊祀志武帝遣望氣佐候蓬萊

高廟僕射

王莽傳上哀章持金匱至高廟以付僕射

廟郎

百官表江德坐廟郎夜失火免

寢郎 馮參

園郎 班穉又金傲傳云故事近臣皆隨寢為園郎

禮官大夫 儒林傳徐生以頌為禮官大夫

曲臺署長 孟喜

寫書官 藝文志武帝置寫書之官當屬太史故附于此

博士

博士秦官掌通古今秩比六百石員多至數十人武帝建元五年初置五經博士宣帝黃龍元年稍增員十二人 百官表

楊何易

歐陽書

后蒼禮

公羊春秋 以上武帝立

施孟易

梁邱易

大小夏侯尚書

穀梁春秋

大小戴禮 以上宣帝立

京氏易 元帝立

左氏春秋

古文尚書

毛詩

逸禮 以上平帝立

博士弟子五十人 儒林傳武帝置

歌吹諸生 儒林傳

光祿勳 大夫郎滿者期門羽林僕射

郎中令秦官掌宮殿掖門戶有丞武帝太初元年更名

光祿勳應劭曰光者明也祿者爵也勳功也屬官有大夫郎謁者皆秦官
又期門羽林皆屬焉百官表

掾光祿勳于承舉王嘉為掾

主事張安世為光祿勳郎醉主事自行法

大夫

大夫掌論議有太中大夫中大夫諫大夫皆無員多至數十人武帝元狩五年初置諫大夫秩比八百石太初元年更名中大夫為光祿大夫秩比二千石太中大夫秩比千石如故百官表

博士光祿大夫夏侯勝

郎

郎掌守門戶出充軍騎有議郎中郎侍郎郎中皆無員多至千人議郎中郎秩比六百石侍郎比四百石郎中比三百石中郎有五官左右三將秩皆比二千石郎中有車戶騎三將秩皆比千石百官表如淳曰主車曰車郎中令主郎中左右車將主左右車郎左右戶將主左右戶郎也

外郎惠紀外郎滿六歲賜爵二級蘇林曰外郎散郎也

郎署長馮唐為郎中署長師古曰為郎中而為郎署之長爰盎傳上幸上林郎署長布席引

御慎夫
人坐

車郎
藝文志車郎張豐如淳曰主車曰車郎

輦郎
劉向

戶衛
功臣表郭蒙

騎郎將
王吸李廣師古曰為騎郎之將主騎郎

郎中騎千人
功臣表斬彊

謁者

謁者掌賓讚受事員七十人秩比六百石有僕射秩比

千石
百官表

期門

期門
服虔曰與期門下以微行後遂以名官 掌執兵送從武帝建元三年

初置比郎無員多至千人有僕射秩比千石平帝元始

元年更名虎賁郎置中郎將秩比二千石
百官表師古曰賁與奔同

言如猛獸之奔

給事期門
功臣表董忠

羽林

羽林
師古曰言其如羽之疾如林之多 掌送從次期門武帝太初元年

初置名曰建章營騎後更名羽林騎又取從軍死事之

子孫養羽林官教以五兵號曰羽林孤兒羽林有令丞
宣帝令中郎將騎都尉監羽林秩比二千石百官表

羽林黃頭郎鄧通

僕射

僕射秦官自侍中尚書博士郎皆有古者重武官有主
射以督課之軍屯吏騶宰永巷宮人皆有取其領事之

號百官表孟康曰皆有僕射隨所領之事以為號也若軍屯吏則曰軍屯僕射永巷則曰永巷僕射

衛尉

衛尉秦官掌宮門衛屯兵師古曰漢舊儀云衛尉寺在宮內湖廣云主宮闕門內衛

士於周垣不為區廬區廬若今之伏宿屋有丞景帝初更名中大夫令後元

年復為衛尉屬官有公車司馬衛士旅賁三令丞師古曰漢

官儀云公車司馬掌殿司馬門夜微宮中天下上事及闕下凡所徵召皆總領之令秩六百石旅衆也賁與奔同言為奔衛士三丞又諸屯衛侯司馬二十二宮皆屬

焉長樂建章甘泉衛尉皆掌其宮職畧同不常置百官表

未央衛尉李廣

長樂司馬律歷志長樂司馬可徐天麟按長樂宮四面皆有公車司馬門每門各二司馬

此即八屯司馬之一也

衛司馬谷吉鄭吉

衛候 馮奉世

長樂屯衛司馬 馮遂

長樂戶將 儒林傳尹更始

建章監 衛青李陵

給事建章 衛青

公車大誰卒 五行志公車大誰卒注云大誰長令在司馬殿門衛士之帥也

執楯 功臣表孔聚

執戟

武士 以上並惠紀應劭曰高祖使武士縛韓信是也

騶 惠紀師古曰本廢之馭者後又令為騶騎因謂騶騎也東方朔給騶侏儒

太僕

太僕秦官掌輿馬有兩丞屬官有大廄未央家馬 師古曰家

馬者主供天子私用非大祀戎事軍國所須故謂之家馬也 三令各五丞一尉又車

府路輪騎馬駿馬四令丞又龍馬閑駒橐泉駒駮丞華

五監長丞又邊郡六牧師苑令 師古曰漢官儀云牧師諸苑三十六所分布北

邊西邊分養馬三十萬匹 各三丞又牧橐 師古曰牧橐言牧養駝也 昆蹠 應劭曰昆蹠好

馬名也 令丞皆屬焉中太僕掌皇太后輿馬不常置也

武帝太初元年更名家馬為桐馬 桐音徒孔反應劭曰主乳馬取其汁桐治

之味酢可飲初置路輪百官表

駿馬監傅介子

平樂監傅介子

移中監蘇武師古曰移中廢名如淳曰移園之中馬廄

家車吏齊受師古曰主漢王之家車非軍國所用見功臣表

廄司御夏侯嬰為沛廄司御

農官食貨志武帝永衡少府太僕大農各置農官

廷尉

廷尉秦官掌刑辟有正左右監秩皆千石景帝中六年

更名大理武帝建元四年復為廷尉宣帝地節三年初

置左右平秩皆六百石哀帝元壽二年復為大理王莽

改曰作士百官表又宣紀地節三年初置廷尉平四人

廷尉史張湯傳湯為廷尉請博士弟子治尚書秋補廷尉史又路溫舒以奏曹掾守廷尉

史子定國以郡次曹補廷尉史

奏曹掾路溫舒傳廷尉光以溫舒著奏曹掾

奏讞掾廷尉湯以兒寬為奏讞掾

掾廷尉湯以從史兒寬為之

從史師古曰只隨官僚不主文書

廷尉文學卒史

以上並見寬傳寬以掌故功次補卒史

書佐

薛宣少為廷尉書佐

大鴻臚

典客秦官掌諸侯歸義蠻夷有丞景帝中六年更名大

行令武帝太初元年更名大鴻臚

應劭曰郊廟行禮讚九賓鴻臚傳之也

屬官有行人譯官別火三令丞

如淳曰漢儀注別火獄令官主治改火之事

及郡邸長丞武帝太初元年更名行人為大行令初置

別火王莽改大鴻臚曰典樂初置郡國邸屬少府中屬

中尉後屬大鴻臚

百官表

主客

金日磾傳成帝時金岑為主客服虔云主胡客屬大鴻臚

大鴻臚文學

平當治禮丞功次補文學

大行治禮

王莽傳公賓就故大行治禮

大行治禮丞

平當

大行卒史

儒林傳

宗正

宗正秦官掌親屬有丞平帝元始四年更名宗伯屬官

有都司空令丞

如淳曰律司空主水及罪人賈誼曰輸之司空編之徒官

內官長丞

師古曰律歷志主分寸尺丈也

又諸公主家令門尉皆屬焉王莽并其

官於秩宗初內官屬少府中屬主爵後屬宗正百官表

主傳東方朔傳昭平君醉殺主傳

中府東方朔傳館陶公主中府師古曰中府掌金帛之藏

舍人周長孺師古曰舍人家人也主家事者也見藝文志

大司農

治粟內史秦官掌穀貨有兩丞景帝後元年更名大農

令武帝太初元年更名大司農屬官有大倉均輸平準

鄒內籍田五令丞幹官如淳曰幹音筦或作幹幹主均輸之事所謂幹鹽鐵而榷酒酤

也鐵市兩長丞又郡國諸倉農監都水六十五官長丞

皆屬焉驥粟都尉武帝軍官不常置土莽改大司農曰

義和後更為納言初幹官屬少府中屬主爵後屬大司

農

百官表

大司農中丞管諸會計事食貨志下桑宏羊

大司農部丞食貨志桑宏羊請置大農部丞數十人分部主郡國平紀元始元年置大

司農部丞十三人

大司農史蕭望之傳李宮

大司農斗食屬薛宣

治粟都尉食貨志桑宏羊為治粟都尉領大農盡幹天下鹽鐵

農官 食貨志武帝水衡少府太農太僕各置農官

稻田使者 昭紀元鳳元年假稻田使者燕倉

權酷官 昭紀始元六年罷權酷官

少府 以上九卿

少府秦官掌山海池澤之稅以給共養 應劭曰名曰禁錢以給私養自

別為藏師古曰大司農供軍 有六丞屬官有尚書符節

太醫太官湯官導官 師古曰太官主膳食湯官主餼導官主擇米 樂府若盧

如淳曰若盧主藏兵器 考工室 臣瓚曰主作器械 左弋 地名 居室 甘泉居室

左右司空東織西織東園匠 師古曰東園匠主作陵內器物 十六官令

丞又胞人 師古曰胞人主掌宰割者也胞與庖同 都水均官三長丞又上

林中十池監又中書謁者黃門鈎盾尚方御府 師古曰鈎盾主

近苑圃尚方主作禁器物御府主天子衣服也 永巷內者宦者八官令丞諸僕

射署長中黃門皆屬焉武帝太初元年更名考工室為

考工左弋為伙飛居室為保宮甘泉居室為昆臺永巷

為掖廷伙飛掌弋射有九丞兩尉大官七丞昆臺五丞

樂府三丞掖廷八丞宦者七丞鈎盾五丞兩尉成帝建

始四年更名中書謁者令為中謁者令初置尚書員五

人有四丞河平元年省東織更名西織為織室綏和二

年哀帝省樂府王莽改少府曰共工百官表

蕭望之領尚書事建白以為尚書百官之本國家
樞機宜以通明公正處之武帝游宴後庭故用宦
者非古制也宜罷中書宦官應古不近刑人元帝
不聽本傳

成帝建始四年春罷中書宦官臣瓚曰漢初中人
有中謁者令孝武

加中謁者令為中書謁者令置僕射宦帝時任中
書官宏恭為令石顯為僕射元帝即位數年恭死
顯代為中書令專權用初置尚書員五人師古曰
事至成帝乃罷其官漢舊儀
云尚書四人為四曹常侍尚書主丞相御史事二
千石尚書主刺史二千石事伊漕尚書主庶人上

書事主客尚書主外國事成帝置五
人有三公曹主斷獄事並見本紀

尚書郎史記侯者年表王遷宋百
官志云西漢舊置四人

尚書御史藝文
志

給事尚書張安世為郎用
善書給事尚書

尚符璽郎霍光
傳

太醫監外戚
傳

侍醫藝文志侍醫李柱國校方
書師古曰侍天子之醫

太官獻食丞陳
湯

太官獻丞張湯傳張勃舉太官獻丞
陳湯蘇林曰主貢獻物也

食監 霍光傳昌邑王詔太
官趣具亡闕食監

尚食 紀惠

尚席 周亞夫傳漢儀注省中有五尚曰尚食尚冠
尚衣尚席尚帳後遂省并尚食於大官湯官

樂府音監 樂府音監景武孟康
曰音監主樂人也

樂府游徼 師古曰樂府
之游徼名莽

令史 以上並
張湯傳

東織室令史 宣帝紀
張敖

中書僕射 石顯

黃門 車忠
藝文志

倡監 東方朔傳

馬監 金日磾

黃門駙馬 蘇武傳宦騎與黃門駙馬爭船師
古曰天子駙馬之在黃門者也

狗監 蜀人楊得意為狗監師
古曰主天子出獵犬

給事狗監 並李延年傳

鈎盾冗從 藝文志
李步昌

尚方待詔 郊祀志

掖庭獄丞 趙后傳
籍武

掖庭牛官令 趙后傳

掖庭戶衛許后傳

少內嗇夫丙吉傳注云掖庭主府藏之官

暴室丞一作薄室師古曰掖庭主織作染練之署三輔黃圖謂之暴室取暴曬為名耳有嗇

夫官屬見宣紀

暴室嗇夫宣紀許廣漢女

農官食貨志武帝水衡少府皆置農官

中謁者高紀封中謁者張釋卿為列侯如淳曰灌嬰為中謁者後常以闈人為之諸官加中

者多闈人也

中涓曹參傳令以中涓從如淳曰中涓如中謁者也師古曰涓潔也言其在內主知潔清灑埽

之事蓋親近左右也

協律都尉李延年

海丞平紀元始元年置師古曰主海稅

果丞平紀元始元年置師古曰掌諸果貢

採珠玉金銀之官貢禹

執金吾

中尉秦官掌徼循京師有兩丞候司馬千人武帝太初

元年更名執金吾師古曰金吾鳥名也主辟不祥天子出行主先導以禦非常故執此鳥之

象屬官有中壘寺互武庫都船四令丞都船武庫有三

丞中壘兩尉又式道左右中候候丞及左右京輔都尉

尉丞兵卒皆屬焉初寺互屬少府中屬主爵後屬中尉

自太常主執金吾秩皆中二千石丞皆千石百官表

備盜賊中尉史記淮南王傳備盜賊中尉臣福

都船獄吏薛宜

將作大匠

將作少府秦官掌治宮室有兩丞左右中候景帝中六

年更名將作大匠屬官有石庫東園主章左右前後中

校七令丞又主章長丞武帝太初元年更名東園主章

為木工成帝陽朔三年省中候及左右前後中校五丞

百官表

典屬國

典屬國秦官掌蠻夷降者武帝元狩三年昆邪王降復

增屬國置都尉丞候千人屬官九譯令成帝河平元年

省并大鴻臚百官表

武帝元狩三年匈奴昆邪王殺休屠王并將其眾

合四萬餘人來降置五屬國以處之本紀師古曰凡言屬國者

存其國號而屬漢故曰屬國

安定三水

天水勇士

上郡龜茲

西河美稷

五原蒲澤

以上並屬國都尉治地理志

宣帝神爵二年置金城屬國以處降羌

五鳳三年置西河北地屬國以處匈奴降者並宣紀

水衡都尉

水衡都尉武帝元鼎二年初置掌上林苑有五丞屬官

有上林均輸御羞禁圃輯濯鍾官技巧六殿辨銅九官

令丞如淳曰御羞地名也在藍田其土肥沃多出御物可進者揚雄傳謂之御宿三輔黃圖御羞宜春皆

苑名也輯濯船官也鍾官主鑄錢官也辨銅主分別銅

之種類也師古曰御宿即今長安城南御宿川也不在

藍田羞宿聲相近故或云御羞或云御宿耳羞者珍羞

所出宿者止宿之義輯讀與輯同音集濯音直孝反皆

輅輅大殿也馬皆萬匹據此表太僕屬官以有大殿未

央輅輅騎馬駒駮丞華而水衡又云六殿技巧又衡官

官是則技巧之徒供大殿者其官別屬水衡也

水司空都水農倉又甘泉上林都水七官長丞皆屬焉

上林有八丞十二尉均輸四丞御羞兩丞都水三丞禁

圃兩尉甘泉上林四丞成帝建始二年省技巧六殿官
王莽改水衡都尉曰予虞初御羞上林衡官及鑄錢皆
屬少府百官表

虎圈嗇夫

張釋之傳

輯濯士

劉屈氂傳師占曰主用輯及濯行船者也

農官

食貨志武帝水衡少府皆置農官

領護三輔都水

息夫躬劉向又馮參領護左馮翊都水

西漢會要卷三十二

宋

徐

天

麟

撰

職官二

宮官

詹事

詹事秦官

應劭曰詹省也給也臣瓚曰茂陵書詹事秩真二千石

掌皇后太子家

有丞

師古曰皇后太子各置詹事隨其所在以名晏

屬官有太子率更家令丞

僕中盾衛率廚廩長丞

張晏曰太子稱家故曰家令臣瓚曰茂陵中書太子家令秩八百石

注衛率主門衛秩千石師古曰掌知漏刻故曰率更自

此以上太子之官也更音工衡反又中長秋私府永巷倉廩祠祀食官

令長丞諸宦官皆屬焉上皆皇后之官成帝鴻嘉三年

省詹事官并屬大長秋百官表師古曰省皇

中殿令功臣表戴敬侯祕彭祖以中殿令擊陳

中御府令霍光傳中御府令高昌又

中少府百官表韓勳師

舍人功臣表成陰侯周

長信詹事

長信詹事掌皇太后官景帝中六年更名長信少府平

帝元始四年更名長樂少府百官表張晏曰以太后所

曰長信少府居長樂宮則曰長樂少府也

哀帝即位尊定陶太后曰共皇太后丁姬曰共皇

后各置左右詹事本紀徐天麟按詹事置左右始於此

建平二年尊傅太后為皇太太后稱永信宮丁太

后為帝太后稱中安宮而成帝母太皇太后本稱

長信宮成帝趙后為皇太后並四太后各置少府

太僕秩皆中二千石外戚傳

中太僕掌皇太后輿馬百官表

長信太僕 王莽傳長信太僕闕徐天麟按此官即哀帝所置四太僕之一也

長樂衛尉 百官表

長樂長御 王莽傳上

長信庭林表 叙傳師古曰林表官名長信宮庭之林表孟康曰婦人之官也

太公家令 高紀

太公僕 史記功臣表祕彭祖

大長秋

將行秦官 應劭曰皇后卿也 景帝中六年更名大長秋 師古曰秋者收

成之時長者常久之義故以為皇后官名 或用中人或用士人 百官表

太子太傅少傅

太子太傅少傅古官屬官有太子門大夫 應劭曰員五人秩六百石

庶子 應劭曰員五人秩六百石 洗馬 張晏曰員十六人秩比謁者如淳曰前驅也洗或作先舍

人表 百官

太子中庶子 史丹金敞皆為之徐天麟按鄒陽傳奏任中庶子蒙恬扁鵲傳號有中庶

子則六國時已有此官沈約云漢置六典云秦官皆非是也

太子御驂乘 惠紀

護太子家 史丹傳

軍官

大將軍

高帝拜韓信為大將軍本傳

景帝拜竇嬰為大將軍本傳

武帝以衛青為大將軍史記汲黯傳

元狩四年置大司馬位大將軍票騎將軍皆為大司馬

霍去病傳按後漢志云初武帝以衛青數征伐有功為大將軍欲尊寵之以古尊官唯有三公諸將軍始自秦晉以為卿號故置大司馬官號以冠之其後霍光王鳳等皆然

莫府

大將軍長史丙吉自軍市令遷

大將軍軍中司馬王鳳奏請王尊補

莫府校尉霍光擅調益莫府校尉

大將軍從事中郎王鳳奏以陳湯為之

大將軍軍監匈奴傳上治衆等四人

大將軍史律歷志詔大將軍史雜候清臺

給事大將軍莫府蔡義

票騎將軍史記作剽騎

武帝元狩四年置大司馬位大將軍票騎將軍皆為大

司馬定令票騎將軍秩祿與大將軍等霍去病傳

莫府

票騎將軍司馬趙破奴

鷹擊司馬霍去病傳

票姚校尉霍去病為之荀悅漢紀作票鶴

驃騎將軍史藝文志朱宇

車騎將軍

高帝八年遷斬欽為車騎將軍本傳

宣帝地節三年拜張安世為大司馬車騎將軍領尚書

事數月罷車騎將軍屯兵更為兩宮衛尉城門北軍兵

屬焉張安世傳

車騎將軍王音以外親宜典兵馬入為將軍元后傳

莫府

車騎將軍長史趙充國由中郎遷

車騎都尉韓昌夫馮唐拜車騎都尉主車尉及郡國車上

從事中郎大司馬車騎將軍王音踵故選置從事母將隆

車騎將軍市令丙吉

車騎將軍掾王舜表奏云徹為掾

車騎將軍千人王莽傳上扈雲師古曰千人官名屬車騎將軍

衛將軍

山都貞侯王恬啟以衛將軍擊陳豨功臣表

文帝即位拜宋昌為衛將軍領南北軍二年罷衛將軍

紀本

張安世拜大司馬車騎將軍領尚書事數月更為衛將

軍本傳

莫府

衛將軍舍人史記田叔傳衛將軍舍人百餘人田仁以壯健為衛將軍舍人

衛將軍掾蕭由

前後左右將軍

前後左右將軍皆周末官秦因之位上卿金印紫綬漢

不常置或有前後或有左右皆掌兵及四夷有長史秩

千石百官表

莫府

右將軍史律歷志詔右將軍史雜候清臺

列將軍別將并莫府附

上將軍高后七年以趙王呂祿為上將軍見本紀

游擊將軍功臣表高帝初陳豨為游擊將軍別定伐

復土將軍 文紀後七年張武為復土將軍如淳曰主穿壙竇瘞事

將屯將軍 文紀後七年令屬國悍為將屯將軍

復土都尉 哀帝崩蕭由為復土都尉元后崩原涉守復土都尉

驍騎將軍 武紀元光二年李廣

驍騎都尉 功臣表齊受驍騎都尉又史記功臣表董忠為裊騎都尉

護軍將軍 韓安國傳元光二年為護軍將軍諸將皆屬

輕車將軍 武紀元光二年公孫賀為輕車將軍

輕車都尉

材官將軍 武紀元光二年太中大夫李息為材官將軍

騎將軍 武紀元光六年騎將軍公孫敖出代下文云代郡將軍

伏波將軍 元鼎五年路博德為伏波將軍見南粵傳

伏波司馬 功臣表蘇宏

樓船將軍 元鼎五年楊羨為樓船將軍見南粵傳

戈船將軍 武紀元鼎五年歸義越侯嚴為戈船將軍師古曰船下安戈戟以防蛟鼉水蟲之害

下瀨將軍 武紀元鼎五年甲為下瀨將軍

橫海將軍 武紀元鼎六年韓說

橫海校尉 東粵傳橫海校尉福

浮沮將軍 武紀元鼎六年公孫賀

匈河將軍 武紀元鼎六年趙破奴

十二部將軍 武紀元封元年詔曰朕將巡邊垂置十二部將軍親自帥焉

拔胡將軍 元封四年郭昌見本傳

中將軍 公孫敖以中將軍從大將軍再出定襄見本傳

因杆將軍 太初元年公孫敖見本紀服虔曰因杆地名因所經以名將軍

貳師將軍 太初元年以李廣利為貳師將軍期至貳師城取善馬故號貳師將軍見本傳

執馬校尉 帝拜習馬者一人為執驅馬校尉

驅馬校尉 見上

浚稽將軍 武紀太初二年趙破奴應劭曰浚稽山在武威北

疆弩將軍 李沮以左內史為疆弩將軍見本傳

疆弩將軍長史 韓延壽請嚴延年為長史

疆弩都尉 路博德傳

度遼將軍 昭紀元鳳三年以中郎將范明友為度遼將軍應劭曰當度遼水往擊烏桓故以為號

虎牙將軍 宣紀本始二年順

蒲類將軍 宣紀本始二年趙充國晉灼曰匈奴傳有蒲類澤

祁連將軍 宣紀本始二年田廣明應劭曰祁連匈奴中山名也

破羌將軍 宣紀神爵元年辛武賢

護羌將軍 見王尊傳

護羌將軍轉校尉師古曰為校尉主轉運事而屬護羌將軍也王尊為之

奮威將軍元紀永光一年以太常任千秋為奮威將軍馮奉世傳作奮武將軍未詳孰誤

建威將軍史記將相年表永光二年韓次君為建威將軍

步兵將軍平帝元始五年執金吾王駿見百官表下

文成將軍武帝元狩中拜少翁文成將軍見封禪書

五利將軍封禪書元鼎四年拜樂大為五利將軍得四印佩天士將軍地士將軍大通將軍印

天士將軍見上

地士將軍見上

大通將軍見上

天道將軍封禪書天子又刻玉印曰天道將軍使使立白茅上五利亦立白茅上天道者且為天子

道天神也

別將

重將功臣表南安侯宣虎以重將破臧荼侯師古曰主將領輜重也

廢將功臣表留侯張良以廢將起下邳

城將功臣表東武侯郭豕人為漢城將師古曰將築城之兵

右林將功臣表漢三年朱子惠侯許應用趙右林柴初擊定諸侯師古曰猶言羽林之將

弩將功臣表清簡侯室中同以弩將初起從入漢

總莫府

軍正 西南夷傳軍正王平百官表軍正陽咸延為少府

軍正丞 胡建傳天漢中建守軍正丞師古曰南北軍各有軍正正又置丞

都尉 蕭何傳上令卒五百人一都尉為何衛爰益傳吳王使一都尉以五百人圍守益

長鉞都尉 功臣表周竈史記作長鉞

軍門都尉 周亞夫傳

校司馬 趙充國傳諸校司馬

輕騎校尉 衛青傳郭成

營軍司馬 谷永傳車騎將軍音請谷永補營軍司馬

軍司馬 楊敞給事大將軍莫府為軍司馬本傳

左司馬 孔叅以左司馬入漢

右司馬 陳胥以右司馬擊項籍

騎司馬 王虞人以騎司馬從

車司馬 王競以車司馬從以上功臣表

軍司空 杜延年補軍司空蘇林曰主獄官也

軍司空令 前將軍增奏馮奉世為之

連敖 韓信歸漢為連敖李奇曰楚官名

軍候假丞 陳湯傳杜勳

軍吏舍人 馮唐傳魏尚饗軍吏舍人

軍武庫令 王鳳奏請杜欽為大將軍車武庫令

門尉 功臣表若侯彫以門尉初起礮

壘尉 主壘壁之事

軍匠 梧侯陽城延以軍匠從功臣表下同

職志 沛公以周昌為職志應劭曰掌主職也

駢驂 功臣表許益以駢驂從師古曰二馬曰駢駢驂謂並兩騎為軍翼也

說衛 許益以說衛入漢師古曰說讀曰稅謂軍行初舍止之時為衛

隊率 申屠嘉傳材官遷為隊率

隊史 棘邱侯襄以執盾隊史從

執矛 中邑貞侯朱進以執矛從並功臣表

護軍都尉

護軍都尉秦官武帝元狩四年屬大司馬成帝綏和元年居大司馬府比司直哀帝元壽元年更名司寇平帝元始元年更名護軍 百官表

護軍中尉 高帝拜陳平護軍中尉使盡護諸將見本傳

護軍射師 藝文志王賀

司隸校尉

司隸校尉周官武帝征和四年初置持節從中都官徒

千二百人捕巫蠱督大姦猾後罷其兵察三輔三河宏

農元帝初元四年去節成帝元延四年省綏和二年哀

帝復置但為司隸冠進賢冠屬大司空比司直百官表

從事鮑宣傳

掾趙后傳司隸解光遣從事掾業史望

史趙后傳見上

假佐王尊傳假佐放

城門校尉

城門校尉掌京師城門屯兵有司馬十二城門候百官表又

劉屈輿傳云武帝征和二年以太子在外始置屯兵長安諸城門

領城門兵孔光為太師領城門兵王音為特進領城門兵置莫府得舉吏如將軍

城門令史王莽傳王興者故城門令史

八校尉中壘屯騎步兵越騎長水胡騎射聲虎賁

中壘校尉掌北軍壘門內外掌西域師古曰掌北軍壘門之內而又外掌

西屯騎校尉掌騎士步兵校尉掌上林苑門屯兵越騎

校尉掌越騎如淳曰越人內附以為騎也晉灼曰取其材力超越也師古曰宣紀言伏飛騎士胡

越騎又此有胡長水校尉掌長水宣曲胡騎師古曰長水胡名也

宣曲觀名胡騎又有胡騎校尉掌池陽胡騎不常置師古

日胡騎之屯池陽者也射聲校尉掌待詔射聲士服虔曰工射者也冥冥中聞聲

則中之因以名也應劭曰須虎賁校尉掌輕車凡八校

尉皆武帝初置有丞司馬自司隸至虎賁校尉秩皆二

千石百官表徐天麟按中壘校尉掌北軍則知八校皆北軍也東都五營即八校之併省者而後書每有

北軍五校之稱則八校屬北軍又明矣

監北軍使者劉屈氂傳任安又史記云武帝使任安護北軍

北軍錢官史記任安答辱北軍錢官

西域都護

西域都護加官宣帝地節二年初置以騎都尉諫大夫

使護西域三十六國有副校尉秩比二千石丞一人司

馬候千人各二人百官表又西域傳云都護治烏壘城去陽關二千七百三十八里

揚威白虎合騎之校陳湯斬郅支益置揚威白虎合騎之校見本傳

屯田校尉西域傳云武帝通西域而軫臺渠犁皆有田卒數百人置使者校尉領護以給

使外國者至宣帝置都護匈奴益弱不得近西域於是徙屯田於北胥鞬莎車之地屯田校尉始屬

都護

渠犁田官西域傳即謂屯田校尉

北假田官元紀初元五年罷北假田官

伊循都尉西域傳元鳳四年立尉屠耆為樓蘭王更名其國為鄯善王請曰國中有伊循

城願漢遣一將屯田積穀令臣得依其威重於是漢遣司馬一人吏士四十人田伊循以鎮撫之其後更置都尉伊循官置如此矣

司馬

護宛使者

大司馬音薦長史谷永為之

戊己校尉

西域傳元帝置戊己校尉屯出車師前王庭

戊己校尉元帝初元元年置有丞司馬各一人候五人

秩比六百石

百官表師古曰甲乙丙丁庚辛壬癸皆有正位唯戊己寄治耳今所置校尉亦無常

居故取戊己為名也有戊校尉有己校尉一說戊己居中鎮撫四方今所置校尉亦處西域之中撫諸國也

戊己校尉史

王莽傳中陳良終帶

奉車都尉駙馬都尉

奉車都尉掌御乘輿車駙馬都尉掌駙馬皆武帝初置

秩比二千石

百官表師古曰駙副馬也非正駕車者為駙馬一曰駙近也疾也

西漢會要卷二十三

宋 徐 天 麟 撰

職官三

三輔

京兆尹 師古曰京大也兆者衆數言大衆所在

內史周官秦因之掌治京師景帝二年分置左內史右內史武帝太初元年更名京兆尹屬官有長安市廚兩令丞又都水鐵官兩長丞左內史更名左馮翊屬官有廩犧令丞尉又左都水鐵官雲壘長安四市四長丞皆

屬焉 百官表

長安游徼獄吏秩百石 趙廣漢傳

左馮翊 張晏曰馮輔也翊佐也

見上京兆尹條

司東市令 貨殖傳

左馮翊二百石卒史 黃霸入穀補此官

右扶風

主爵中尉秦官掌列侯景帝中六年更名都尉武帝太初元年更名右扶風治內史右地屬官有掌畜令丞又

有都水鐵官廢靡尉四長丞皆屬焉與左馮翊京兆尹

是為三輔皆有兩丞列侯更屬大鴻臚元鼎四年更置

三輔都尉都尉丞各一人 百官表又元帝紀建昭三年分三輔都尉秩皆二千石

郡國

諸侯王國

諸侯王高帝初置金璽蓋綬掌治其國有太傅輔王內

史治國民中尉掌武職丞相統眾官羣卿大夫都官如

漢朝景帝中五年令諸侯王不得復治國天子為置吏

改丞相口相省御史大夫廷尉少府宗正博士官大夫

謁者郎諸官長丞皆損其員武帝改漢內史為京兆尹
 中尉為執金吾郎中令為光祿勳故王國如故損其郎
 中令秩千石改太僕曰僕秩亦千石成帝綏和元年省
 內史更令相治民如郡太守中尉如郡都尉百官表
 成帝綏和中何武為御史大夫司空與丞相方進共奏
 言往者諸侯王斷獄治政內史典獄事相總綱紀輔王
 中尉備盜賊今王不斷獄與政師古曰與讀曰豫中尉官罷職
 并內史郡國守相委任所以壹統信安百姓也今內史
 位卑而權重威職相踰不統尊者難以為治臣請相如

太守內史如都尉以順尊卑之序平輕重之權制曰可

以內史為中尉何武傳

景遭七國之難抑損諸侯減黜其官武有衡山淮南之
 謀作左官之律諸侯王表應劭曰人道上下石今舍天子而仕諸侯故謂之左官也

相掾梁平王襄傳

舍人高五王傳魏勃為齊舍人

從史爰盎傳

內史丞藝文志河間內史丞王定

內史掾廣川王傳

侍御史 太倉公傳齊侍御史成

太中大夫 百官表薄昭

中大夫 太倉公傳齊中大夫病齟齬

中郎曹將 梁王立傳

中郎 伍被為淮南中郎

侍郎 王尊傳

衛士長 昌邑王傳

廩長 王尊傳

太倉長 史記倉公傳齊太倉長淳于意

宰人 龔遂傳昌邑王嘗與駟奴宰人游戲

私府長 路溫舒遷廣陽私府長師古曰藏錢之府天子曰少府諸侯曰私府

中御府長 太倉公傳齊中御府長信田叔傳云魯王發中府錢師古曰中府王之財物藏

也

中謁者 東平王傳中謁者信

黃門郎 師丹傳段猶

大官令 燕王旦傳

食官長 梁王襄傳

尚食監 馮唐傳高祜

永巷長 太倉公傳

宦者 齊王肥傳

中傅 武紀濟川王明坐射殺其太傅中傅廢應劭曰中傅宦者也文三王傳作中尉與紀不同

醫工長 燕王旦傳

太醫 太倉公傳

侍醫 太倉公傳

尚方 郊祀志樂大注云土藥方

少史 河間王怒少史留貴

侍中 霍光傳昌邑王書問侍中君卿

常侍 楚王聘龔舍為常侍

長史 梁平王傳曰欲以傷梁長史

司馬司空 太倉公傳齊淳子司馬北宮司空

太子師傅 吳王濞傳

大將軍 吳王濞傳田祿伯為大將軍

將軍 齊王襄以魏勃為將軍丁寬為梁孝王將軍

關內侯 霍光傳姊夫昌邑關內侯

左右閣都尉 太倉公傳齊左右閣都尉

大與 功臣表闕氏節侯馮解散以代大與降為鴈門守師古曰大與主爵祿之官

西漢會要 卷三
內官
冗從 收臯為梁王使與冗從爭師古曰冗職之從王者也

內官

夫人 廣川王傳明正夫人修靡夫人乘華夫人

美人 淮南王傳令故美人材人得幸者從居

材人 見上

八子 高五王傳以令置八子秩比六百不

孺子 中山哀王傳

家人子 外戚傳

永巷僕射 廣川王傳使其大婢為僕射注永巷

異姓諸侯王

漢亡尺土之階繇一劔之任五載而成帝業書傳所記未嘗有焉故據漢受命譜十八王訖于孝文異姓盡矣

異姓諸侯王表

昔高祖定天下功臣異姓而王者八國張耳吳芮彭越

黥布臧荼盧縮與兩韓信 本贊

高后欲立諸呂為王問王陵陵曰高皇帝刑白馬而盟

曰非劉氏而王者天下共擊之今王呂氏非約也太后

不說問左丞相平及絳侯周勃等皆曰高帝定天下王

子弟今太后稱制欲王昆弟諸呂無所不可太后喜罷
 朝陵讓平勃曰始與高帝啜血而盟諸君不在邪今高
 帝崩太后女主欲王呂氏諸君縱欲阿意背約何面目
 見高帝於地下乎平日於面折廷爭臣不如君全社稷
 安劉氏後君亦不如臣陵無以應之王陵傳
 西楚霸王項籍都彭城漢五年誅徙韓信為楚王六年
 廢為侯

衡山王吳芮都邾漢五年芮徙長沙

臨江王共敖都江陵漢三年八月子尉嗣為王五年十

二月漢虜尉

九江王英布都六漢二年十二月降漢四年漢立布為

淮南王十一年布反誅

趙王張耳都襄國漢元年九月耳降漢十月代王歇還

王趙二年十月漢滅歇三年十一月漢復立張耳為趙

王五年耳薨子敖嗣為王八年敖廢為侯

代王趙歇都代漢元年十月徙歇王趙以陳餘為代王

號成安君二年十一月屬漢為太原郡五年以太原為

國王韓信九月反降匈奴

齊王田都都臨菑漢元年四月降楚田榮爲齊王十二月項籍擊殺榮立故齊王田假爲齊王一年二月田榮弟橫擊殺假立田榮弟廣爲齊王三年十一月漢將韓信擊殺廣屬漢爲郡四年置齊國王韓信五年徙王楚立濟北王田安都博陽漢九年六月田榮擊殺安屬齊膠東王田市都卽墨漢元年五月田榮擊殺市屬齊雍王章邯都廢邱漢二年英殺邯屬漢爲中地隴西北地郡

塞王司馬欣都櫟陽漢元年七月降漢爲渭南河上郡

翟王董翳都高奴漢元年七月降漢爲上郡

燕王臧荼都薊漢四年九月反誅荼後九月盧縮爲燕王十一年反降匈奴

遼東王韓廣都無終漢元年臧荼擊殺廣屬燕

魏王魏豹都平陽漢二年豹降漢爲王從漢伐楚四月歸畔漢八月韓信擊虜豹屬漢爲河東上黨郡

殷王司馬卬都朝歌漢二年二月降屬漢爲河內郡

韓王韓成都陽翟漢元年六月項籍誅成立鄭昌爲韓王十月漢立韓信爲韓王六年信徙太原

河南王申陽都雒陽漢元年九月降屬漢為河南郡

長沙王吳芮漢五年二月立六月薨成王臣嗣傳至靖

王產無嗣國除

魯王張偃高后元年四月以外孫立八年為侯

淮陽王呂彊高后元年四月立五年薨六年壺關侯武

立八年以非孝惠子誅

常山王呂不疑高后元年四月立二年薨襄城侯義立

四年立為帝軹侯朝立八年以非惠帝子誅

呂王呂台高后元年以高后兄子立二年薨子嘉嗣六

年嘉廢十一月王呂產立七年二月產徙梁立為梁王

八年漢大臣共誅產

燕王呂通高后八年七月立八月誅

梁王呂產高后七年二月立八年誅

異姓諸侯
王表上同

中大夫

黥布傳中
大夫賁赫

太宰

黥布傳隨何使淮
南至太宰主之

部刺史

監御史秦官掌監郡漢省丞相遣史分刺州不常置武

帝元封五年初置部刺史掌奉詔條察州

師古曰漢官
典職儀云刺

史班宣周行郡國省察治狀黜陟能否斷治寃獄以六條問事非條所問即不省一條疆宗豪右田宅踰制以疆陵弱以眾暴寡二條二千石不奉詔書遵承典制倍公向私旁招守利侵漁百姓聚斂為姦三條二千石不郵疑獄風厲殺人怒則任刑喜則淫賞煩擾刻暴剥截黎元為百姓所疾山崩石裂妖祥訛言四條二千石選補不平苟阿所愛蔽賢寵頑五條二千石子弟恃怙榮勢請託所監六條二千石違公下比阿附豪彊通行貨賂割損正令也

秩六百石員十三人成帝綏和元年更名牧秩二千石哀帝建平二年復為刺史元壽二年復為牧

郡守

郡守秦官掌治其郡秩二千石有丞邊郡又有長史掌

兵馬秩皆六百石景帝中二年更名太守

百官表

郡掾

別駕黃霸傳別駕主簿車

主簿朱博傳

書佐朱博傳又王尊補書佐注云律太守書佐十人

功曹鮑宣為都尉太守功曹朱博為亭長遷為功曹

議曹扶風謁請原涉為議曹

賊曹掾薛宣傳賊曹掾張扶通典云主刑罰

決曹掾薛宣傳決曹掾王立又路溫舒補決曹史漢舊儀云決曹主罪法事

賊捕掾 張敞傳賊捕掾絮舜師古曰主捕掾

五官掾 王尊傳五官掾張輔

門下掾 朱博傳門下掾龔遂

門下督 游俠傳蕭章為京兆尹門下督

郡掾祭酒 鮑宣傳薛方嘗為郡掾祭酒

郡文學 梅福為郡文學

郡文學史 鄭崇為郡文學史

郡文學卒史 史記匡衡補平原文學卒史

學經師 平紀元始三年立學官郡國立學置經師一人

宗師 平紀元始五年郡國置宗師

舍人 高紀南陽太守舍人

史 陳遵與張竦俱為京兆史注云律太守都尉史各一人

從史 陳遵為河南太守遣從史西

諸曹史 朱博傳

右曹掾史 朱博傳

太守卒史 張敞尹翁歸並補太守卒史又儒林傳比百石以下補太守卒史

五經百石卒史 儒林傳元帝好儒郡國置五經百石卒史

直符史 王尊傳

獄史 丙吉為魯獄史

獄小吏 尹翁歸為獄小吏

小史 谷永少為長安小史翟方進給事太守府為小史

督郵 田延年徙卒史尹翁歸補督郵又孫實補侯文東部督郵

督郵掾 馮野王傳督郵掾趙都

督郵書掾 朱博出為督郵書掾所部職辦

都吏 文紀二千石遣都吏如淳曰律說都吏今督郵是也開惠曉事即為文無害都吏

少府 文翁減省少府用度師古曰少府郡掌財物之府以供太守者也

守屬 王尊補守屬

給事太守府 咸宣以佐史給事河東守張湯給事內史為掾

司空 陳咸為南陽太守犯法者以律程作司空師古曰司空主作役官

都尉

都尉秦官掌佐守典武職甲卒秩比二千石有丞秩皆

六百石景帝中二年更名都尉 百官表

關都尉秦官農都尉屬國都尉皆武帝初置 百官表

受降都尉 田廣明傳

宜禾都尉 地理志敦煌郡

護漕都尉 朱博徙為并州刺史護漕都尉

尉史 田廣明傳尉史蘇昌漢律近塞置

京兆 都尉治 華陰京輔 馮翊 都尉治 高陵左輔

扶風 都尉治 郿右輔 太原 尉治 廣武都

東郡 尉治 東阿都 陳留 尉治 外黃都

汝南 尉治 女陰都 南陽 尉治 鄧都

南郡 尉治 夷陵都 九江 尉治 歷陽都

清河 尉治 貝邱都 鉅鹿 尉治 下曲陽

魏都 尉治 涿 尉治 安平都

常山 尉治 南行唐 勃海 尉治 高城都

平原 尉治 樂陵都 千乘 尉治 蓼城都

濟南 尉治 於陵都 泰山 尉治 盧都

琅邪 尉治 姑幕都 東海 尉治 費都

山陽 尉治 單父都 沛 尉治 都

臨淮 尉治 盱眙都 丹陽 尉治 歙都

會稽 尉治 錢唐西部都尉治回浦南部都尉治揚雄

豫章 尉治 新淦都 漢中 尉治 褒中都

廣漢 尉治 緜竹都尉治陰平 犍為 尉治 漢陽都

越雋 尉治 定祚都 牂牁 尉治 夜郎都尉治進

金城 宣紀神爵二年置金城屬國日處降羌又趙充國傳充國西至西部都尉府孟康曰在金城

張掖 曰勒都尉治居延都尉治 天水 勇士屬國都尉治滿

安定 參森主騎都尉治 隴西 障洮南部

酒泉 會水北部都尉治 偃水障又東部都尉

燉煌 燉煌中部都尉治 廣侯官廣至宜禾都尉

北地 富平北部都尉治 神泉障

上郡 匈奴歸都尉治塞外匈奴歸障高望北部都尉

西河 南西部都尉治塞外翁龍埤是增山北部都尉治 虎

西河 富平于此為農都尉

朔方 西河都尉治 渠搜中部都尉治

五原 東部都尉治 稠陽蒲澤屬國都尉治 田辟

雲中 陶林東部都尉治 北與中部

定襄 武進西部都尉治 武臯中部

鴈門 沃陽西部都尉治 上谷 寧西部都尉治 女

代郡 高柳西部都尉治 馬城東部

漁陽 要陽都尉治 右北平 薺都尉治

遼西 柳城西部都尉治 樂浪 昭明南部

遼東 無慮西部都尉治 武次東部

鬱林 領方都尉治

合浦 朱盧都尉治

郡國均輸鹽鐵官

武帝元封元年因桑宏羊請置大農部丞數十人分部

主郡國各往往置均輸鹽鐵官郡不出鐵者置小鐵官

鄧展曰鑄舊鐵使屬在所縣志食貨

元帝初元五年罷鹽鐵官永光三年復本紀

千乘 郡地志 河東 黃霸補河東均輸官

以上並有均輸官

河東 安邑

南郡 巫

勃海 章武

琅邪 海曲計斤長廣

犍爲 南安

益州 連然

安定 三水

上郡 獨樂

朔方 沃楚

交趾 麓泠都尉治

九真 無切都尉治以上地理志

太原 晉陽

鉅鹿 堂陽

千乘 郡

會稽 海鹽

蜀 臨邛

巴 胸忍

北地 弋居

西河 富昌

五原 城宜

鴈門樓煩沃陽有長丞

漁陽州泉

隴西郡

遼西陽海

遼東郭平

南海番禺

蒼梧高要

東平國

北海都昌壽光

東萊曲城東牟嶷昌陽當利並地理志

以上並有鹽官

京兆鄭

左馮翊陽夏

右扶風雍漆

宏農宜陽池

河東安邑絳皮平陽

太原大陵

河內慮隆

南河郡

潁川陽城

汝南西平

南陽宛

廬江皖

山陽郡

沛沛

魏武安

常山郡

千乘郡

濟南東平陵

泰山嘉

齊臨淄

東萊東牟

東海下邳

臨淮鹽漬堂邑

桂陽郡

漢中沔陽

建爲武陽南安

蜀臨邛

琅邪郡

漁陽陽

右北平陽

遼東平

隴西郡

膠東郁

魯國

楚彭城

廣陵國

中山北

東平國

城陽莒

涿郡

以上並有鐵官並地理志

列郡別置官

齊三服官

貢禹傳貢禹上疏曰故時齊三服官輸物不過十笥方今齊三服官作工各數十人一年

費數鉅萬

元帝初元五年罷齊三服官本紀

哀帝即位詔齊三服官織綺繡難成害女紅之物

皆止作無輸本紀

陳留襄邑

齊臨淄並地理志

以上並有服官

河南郡

南陽宛

濟南東平陵

泰山郡高

潁川郡

河內懷

蜀成都

廣漢郡雒並地理志

以上並有工官

雒陽武庫令魏相傳車千秋子為雒陽武庫令

京兆船司空地理志師古曰本主船之官遂以為縣

太原郡桐馬官地理志初名家馬官不改曰桐馬桐音動

遼東郡襄平縣牧師官地理志

上郡庫令成紀上郡庫令良注云漢官北邊和庫中兵器所藏故置令

南郡發弩官地理志師古曰主教放弩

南郡編縣雲夢宮

江夏郡西陵縣雲夢宮

廬江郡樓船官

九江郡陂官

九江郡湖官

丹陽郡銅官

桂陽郡金官

蜀郡嚴道縣木官

巴郡朐忍縣橘官

巴郡魚復縣橘官

南海郡圍蓋官

南海郡中宿縣涯浦官

交趾郡羸樓縣羞官並地理志

北假田官元紀晉灼曰北假地名

縣令長

縣令長皆秦官掌治其縣萬戶以上為令秩千石至六百石減萬戶為長秩五百石至三百石皆有丞尉秩四

百石至二百石是為長吏百石以下有斗食佐史之秩是為少史大率十里一亭亭有長十亭一鄉鄉有三老有秩嗇夫游徼三老掌教化嗇夫職聽訟收賦稅游徼循禁賊盜縣大率方百里其民稠則減稀則曠鄉亭亦如之皆秦制也百官表

掾史

縣掾郭解傳楊季王子為縣掾

門下掾原涉傳王游公為茂陵門下掾

戶曹掾史尹賞為長安令部戶曹掾史

縣史 衛青父以縣史給事侯家

令史 項羽傳陳嬰故東陽令史

獄史 于定國為縣獄史

獄小吏 路溫舒求為獄小吏

小吏 田廣明傳圍小吏

外史 平帝元始元年置外史閭師秩六百石

閭師 見上

校經師 平帝元始三年立學官縣道邑侯國曰校校置經師一人鄉曰庠聚曰序庠序置孝經師一人

庠序孝經師 見上

功曹 朱博給事縣為亭長稍遷功曹

鄉吏 升賞部鄉吏亭長里正父老五人

里正 見上

里監門 酈食其為里監門

求盜 高紀應劭曰舊時亭有兩卒一為亭父掌開閉掃除一為求盜掌逐捕盜賊

